



立岩集

~16  
2424  
2

立岩



2424  
2-2



立岩集卷之三



七言四韻

是年五月十一日余坐事謫光州壺山  
宋汝溫亦以檢察官赴京臨別乃作四  
韻詩二首以贈余余因作此詩用叙別  
懷云

世事悲歡何足言人生聚散若雲烟北京  
風日千山路南國炎蒸五月天病老在堂  
君更遠 聖明當守我今遷思家戀 闕

情誰最無限離愁兩惘然

南溪

愁來鬱鬱過南鄰行路誰知我謫臣犬吠  
孤村脩竹外馬鳴斜日綠溪濱天涯不是  
曾遊處眼裏都非舊識人獨有片心常耿  
耿夢中猶自拜楓宸

遣懷

樗散江湖分自宜竹竿簑笠動相隨微香  
野稻秋風後絕勝山林暮雨時水滿橋梁

魚正下天寒關塞鴈初辭  
紉蘭佩菊知誰  
贈悵望西方不盡思

從牧使宋公通判柳公暨梁察訪德夫  
鄭翰林仁補同遊樞川醉中走筆

使君邀客慰孤懷勝日開樽南澗隈玉露  
橫天山欲瘦金風吹塞鴈初來歌聲遠和  
松聲起舞影斜連水影回莫向西林愁暝  
色燈前痛飲且徘徊  
登石犀亭故墟

棗水西頭舊有亭石屏當日謾留名  
疎林細草埋幽逕綠竹黃橙繞古城  
上國烟花重嶺阻南溟瘴氣一壘平  
山河不變千年景行客紛紛自異情

九月九日過詠歸亭

此地曾遊六載強登臨節序又重陽  
亭臺依舊空瀟灑客子如今倍慘傷  
一帶清川穿野去千竿綠竹拂雲長  
故人白酒寧辭醉且對黃花酌數觴

謫中途子鎔

昨夜分明夢侍朝今宵邂逅舊同僚  
思家却恨雲山遠戀闕還嗟道路遙  
此酒莫辭惟我勸吾君一去孰余邀  
天涯別後傷心處旅館秋風鎖寂寥

秋夜有感

露下空山木葉黃草廬雲物轉淒涼  
菴前路白僧歸月野外天青鴈叫霜  
老樹無聲風自撼明河有意夜相望  
三年泣洒思親

淡更入新秋濕盡雲

三月二十六日聞公望病久往見于儒  
城舊舍則英病稍收即與望同訪翰林  
亭還廬作詩三首以寄之

新構茅廬不設扉一身於此可堪依川回

洞府饒魚鱗山入庭除長葦微軟飽醒時

松月冷黑甜來處柳風微皇天賦汝偏多

病三歲猶裁閣領衣汝人病多梅聖俞

男大聞裁領其時患癯故云

北載東西鬢欲星羨君閑卧翰林亭山無  
猛虎川無虺并有丹砂土有苓盤谷從來  
宜卜宅風波不必慕揚庭吾今亦畫歸田  
策莫待長松偃石榻松千歲而偃或云石上種松則早偃  
君從泉石要閑遊人道高才此不留為卜  
幽居來谷裏更尋佳處上巖頭雞龍影暗  
千峯暮霽震聲寒一水秋世事漸難時轉  
變他年我亦訪林丘

遣懷

數段曾亡烈燄餘少游今未出鄉閭愚如  
柳子將名谷窮似虞卿欲著書石上種松  
應早偃山中卜地可終居此身行止何時  
定三十年來鬢已疎

凌虛亭次韻

一上高亭瞰碧虛眼中風景正茫如江通  
白馬興亡地山繞新都戰伐墟野趣晚年  
渾不減世情今日散無餘蓬蒿自有逍遙  
樂莫向人間苦讀書

聞新鶯

江南昨日柳條青睡覺無端聞曙鶯在每  
天涯催暮景間關花底作新聲鏡中鬢髮  
殊曾見窓外吟歌是響聽歲歲相逢思便  
苦他幸休到洛陽城

秋懷

掩卷空齋日易斜心期遲暮謾長嗟月明  
萬戶砧聲急霜重千江鴈響多杜子鏡中  
頭欲雪韓公燈下眼生花碧川渺渺青山

遠滿袖芝蘭奈爾何  
紅葉黃花江上頭  
悲秋心思正悠悠  
山川索寞羣芳歇  
天地淒涼積雨收  
鏡裏容顏今已老  
人間功業本難謀  
誰知此夜宵中事  
唯有虫聲助客愁

次韻贈山僧智常

浮雲逝水相逢處  
黃葉酣楓欲暮秋  
道士無言詩是語  
山家有酒棗爲羞  
風塵獨抱三年病  
湖海難攀萬里遊  
往事只今勞夢

想金剛遙在嶺東頭

汨羅懷古

澤邊何事獨行吟  
讀罷離騷淚滿襟  
直諫未扶宗國圯  
孤忠終赴楚江沉  
當時只識捐生易  
異日方看愛主深  
過客不知投飯處  
秋波萬里倚楓林

次蘇相國雙清堂

肯從流俗共沉淪  
竹弟梅兄契已親  
三徑可觀彭澤趣  
一堂都是醉鄉春  
湖山表裏

無何地天壤中間有此身人事算來同塞  
馬衙門聊可養天真

玉堂玩月

禁中樓觀鬱崔嵬雲外簾櫳隱映開纔見  
暝光從海破忽驚蟾影滿空來寒侵玉露  
仙人掌清徹流霞學士杯不必乘槎歸上  
界世間方信有蓬萊

端午貼子

天中端合處高明殿閣微微魏露清宣酒

泛蒲聞馥郁宮衣闔葛見輕盈泉羹已賜  
千官罷龍鏡休誇百鍊成獨有不逢昭代  
恨九原難作楚臣平

三月初一日余在春秋館覽物感懷因  
成四韻奉呈有初景雲

西清物色晚來多上苑前宵一雨過天道  
變遷如世道杏花開落又梨花閣中見性  
憑春草老境知心是睡魔安得與君尋舊  
約白蓮池畔趁芳華



送金質正赴京

末路難逢好古人，愛君風雅意兼真。  
操毫舊是鑿坡士，聯珮今為上國賓。  
鶴野仙歸知幾代，鳳城聲絕復千春。  
遙知季子觀周後，來作王家瑞世麟。

花園懷古

世遠人亡迹又陳，蒼然烟景一園春。  
泉聲髣髴管絃開，花色依稀紅粉新。  
雖有臺池難獨樂，苟為王者必同仁。  
昏荒臣主酣歌

莫不覺天誅已及身

七夕雨

寒陰漠漠夜悠悠，天上新愁倍舊愁。  
不恨路深靈珮濕，謾憂河決鵲橋浮。  
此宵有數知多別，來日無窮復幾秋。  
擬取扶桑鷄作啞，却教神馭暫停留。

送人罷官還鄉

同時不必作同僚，翰苑銀臺屢見邀。  
抵把古風為好事，却因天變坐明朝。  
南鄉雪

暗行將趁北關雲深望漸遙獨恨君歸何  
太迫一壺那得送江郊

立春貼子

聖心方軫小民况此青陽始發輝宿麥  
應經三白秀祥雲自遠九重飛寬書事遠  
今還觀綵勝息深古亦稀醉盡宮壺聊拜  
舞香烟如縷入朝衣

迎祥貼子

重闕雲開日載陽千門晝靜漏聲長寒餘

苑柳看仍碧暖入宮梅嗅正香休道生成  
春獨大若論功化聖為光鴻恩豈但露羅  
綺且與窮閭共壽觴

雙廟

兩公高節古無雙雙廟如今在舊邦烈氣  
千秋橫日月孤軍百戰保淮江兵疲食盡  
身當死國破城亡義不降援救未來心力  
竭長令志士淚盈腔

送荆軻入秦

西望幾年空  
動地咽寒浪  
劔氣橫天凌白虹  
縱約紛紛  
終誤事雄圖  
落落會成功  
丈夫何用惜  
離別萬古高名  
與不窮

次懷德東軒韻

高樓平挹碧  
山岑樓下芙蓉  
匝水陰  
朱箔捲來濃  
翠入畫欄  
憑處暗香侵  
行尋桑梓  
空多感  
收拾風烟  
却費吟  
半夜梧桐  
驚客夢  
雨聲偏在一庭深

銀臺夜直次韻

銀臺星月近  
窓擁午夜  
天香暗  
逐風露氣  
潛凝階下  
菊秋聲  
偏在枕邊  
桐魂迷  
嶺外  
千山路  
興落江東  
萬里蓬玉  
漏令人  
渾少睡  
銀河欲沒  
碧天中

病餘寄友人

小園花謝復  
新陰  
病裏幽懷  
不自禁  
好爵元非心  
所慕  
故山先遣夢  
相尋  
碁無敵手  
空藏局  
世罕知音  
亦廢琴  
獨坐難堪  
銷永

日一尊思與故人斟

送鄭僉知耳齡赴京

功名半世鳥驚弦晦迹城中十八年收召  
羣賢還有日超騰萬里又朝天遠遊更覺  
文章健久屈方看德器全却憶龍灣迎送  
處蒹葭雲物總依然

題中舍人清仲亭子

銅雀清觀協警聆主人高卧懶開扇江奔  
斷岸侵危徑山擁幽林護小亭亦有園田

便養性非關簪紱謾勞形一屨倘得從君  
借準擬移家托晚齡

東宮賜送珍鮮滿前竊自感激因書鄙  
懷以示同志

觸事那能效運斤論才却自愧多聞惟將  
蹇淺供明邸徒竊珍甘遺細君志欲有  
為空落落心如無主獨云云出門佇立知  
何處人在秋江日又曛

送守初罷官歸鄉

鑾坡當日共翱翔  
匹馬胡為漢水傍  
朝議豈容閑俊傑  
天心將欲老文章  
風流自古稱狂客  
湖海如今作漫郎  
北關南鄉從此隔  
定知魂夢往來忙

統軍亭次韻二首

塞外天低鯨浪黏  
一亭形勝又難兼  
長江自可騰身渡  
三島何勞舉目瞻  
壯志欲吞胡地遠  
愁腸不怕海山尖  
他年擬奏西邊事  
安得鋪張百尺纈

縱觀形勝發遐情  
肯學沉碑要後名  
塞外長江西去盡  
胡中亂出北來平  
兼葭水國秋將老  
刀斗邊城夜不驚  
許國一心猶未遂  
滿頭空得雪華明

曉起有詠

關西千里鴨江濱  
一卧他鄉歲已分  
經幄昔年名學士  
戎衣此日老將軍  
蒼旗直簸龍灣雪  
畫角橫吹鷓嶺雲  
莫道踈儒無遠略  
寸心猶足報吾君

宿方山鎮有感

塞關幽遯大江橫落日登臨意不平  
水上胡山深鬱岫天涯客路遠紆縈  
孤城吹角門初閉千里思家月獨明  
入夜笛聲聞更苦破窓無夢到三更

二月念一發軍馬習陣于鴨江邊沙場  
仍觀武才大饋軍卒

將軍夙駕出平沙帳幕紛披酒肉多才俊  
千群分射御紛紛三隊雜琴歌旗風卷送

龍淵日螺響吹空馬嶺霞薄暮入城烟火  
鬧不知身在地西涯

夜坐有感

晚拋儒術摠戎旗志士成功會有時  
白髮多從西塞得丹心只許北辰知  
孤城暮角江流急絕域春風鴈到遲  
起望雲河仍不寐胡笳悄悄使人悲

春日游九龍洲船上有吟

百文牽船取次過一江風日正清和  
岩花

三才集卷之三  
十三  
倒影紅侵水渚柳垂絲綠映沙白鷺掠魚  
來復去青娥狎客舞還歌醉歸不覺千山  
暝卧看天東斗柄斜

船上次崔演之韻

為訪靈蹤過碧湫湫邊唯見戲鱗游蘭舟  
自放烟波闊貝闕誰探水府幽遺世欲將  
隨白鳥凌風安得駕蒼虬高歌擊劍千江  
靜歸鷺殘霞入醉眸

四月八日迎進賀使蘇公彥謙書狀李

毅卿質正權景遇于鴨綠江上次韻

高颺吹送渡江旌別浦遙將畫鷁迎滿酌  
春清非曹酒一匙風味是尊羹時牽錦纜  
凌灘去更向烟汀傍柳行良夜休嫌山月  
落好看燈影點空明

初到鴨綠江奉呈龍灣明府

千里關河返使旌也勞賢守遠來迎侑  
觴偏勸銀絲鱸下飯初嘗玉糝羹供帳  
却承危石坐榜船還濟逆灘行佳辰正

值觀燈夕萬點蘭缸如月明世讓

田自燕京留別龍濟明府

暮雪輕裘西去時君應憐我赴羈危  
驚風駟馬東歸日我却羨君重別離  
萬事悠悠春夢罷百年忽忽隙駒馳  
祗要後會能長健不用陽關動遠思

次韻

相國才名重一時由來出處係安危  
同舟幸作佳辰會分袂那堪此日離  
客况每從

邊戍苦歸心還與使旌馳醉中無限傷春  
意芳草閑雲總別思

西塞有感

老境唯思返故園儒冠豈識出西藩  
村連燕塞葭為屋城壓胡山鐵作門  
聚嘯鵝鷗當白晝羣飛蝙蝠趁黃昏  
沙風聶聶尋常起更有驚波日夜喧

七月二十五日遼東武舉徐佐指揮金  
汝乾湯站指揮傅承慶等以諸島禁耕



事出來予亦領軍渡鴨綠江期會于馬  
耳山因登絕頂北望胡山西望燕江慨  
然有長想遠慕之志自念蹇淺孤蹤承  
恩聖時持節擁旗纛登臨于胡漢之境  
真一生壯遊而計慮之所未到也遂有  
感而作

崛起孤峯地盡頭偶因王事暫來遊江臨  
鴨綠分三境城望龍灣繞一州儒術從前  
思自效戎衣到此不曾謀男兒行止元無

定莫向關山謾作愁

江上即景書示唐官

勝日行尋特地遊馬峯西畔鴨江頭蒹葭  
澤國無邊景霜月關山不盡秋三島古聞  
非世界諸公今見是仙儔相逢莫恠聲音  
異情到杯中可默求

佛巖菴

天磨千仞聳高秋山下遙看寶殿幽紅樹  
林間橫略約青苔石上落溪流錚風送響

驚禪夢塔月光照客愁香火脩然仍不  
寐一窓靈籟夜悠悠

乙未二月旬後李禎父往遊金剛山秋  
月菴吾病且因官事不得從焉李歸示  
所製遊山詩遂用其韻聊抒所懷

金剛秋月最奇哉石路無塵生碧苔故故  
白雲藏洞府時時寒磬落巖隈欲從高躅  
騰身去安得清風滿袖來杖屨明朝春澗  
裏山靈相近莫相猜

西遊不恨去家遙竭力唯思補 聖朝弓  
馬三年隨紫塞夢魂千里繞丹青離情到  
底腸空斷世事聞來首屢搖料理功名吾  
亦足病夫終欲學松喬

清明有感次聚勝亭韻

此身何事客荒郵陟屺瞻雲眼力微江面  
幾沾遊子淚草心難報一春暉風前躑躅  
紅初動雨後茵陳綠漸肥節物惱人歸不  
得出門空送斷鴻飛

承節度禁耕之命行審江邊馬上有吟  
三月初八日也

邊虞民隱總關身一事無成再負春可畏  
草間潛伺賊當禁城外濫耕人江浮暖氣  
花容潤壠帶燒痕草色新節物依然鄉國  
遠東風回首獨傷神

暮春旣望登聚勝亭花柳滿目忽然思  
歸有感而作再次壁上韻

徙倚高亭俯塞陲山光水氣共熹微風花

散落吹庭院烟柳低垂弄夕暉千里每憂  
違定省一身還愧足輕肥遙知漢北春遊  
好悵望歸雲欲奮飛

東軒晚坐有懷

金爐銷盡竹心香衙罷東軒晝正長簷燕  
低飛泥落枕林蛙亂叫雨橫牆江風拂柳  
來空院庭潦浮花入小塘却憶故山愁寂  
處滿園桃李目春光

重遊金剛山

一年重過金剛洞洞府依然清景多古木  
蕭蕭初下葉寒泉激激乍生波坐攀楓樹  
紅連袂踏破苔巖綠襯幃興盡日斜山更  
寂數聲歌笛出烟蘿

避病城南用前韻

異鄉風氣苦狂顛避病僑居南郭邊肯戀  
浮生唯有母欲行奇計總關天空一憂職事  
頭成雪默數歸期夜似年蹴起鷄聲時一  
嘯五更燈火正蕭然

旅舍遇雪書懷寄校官李明之

風威冽冽雪花寒早起凌兢未整冠彭澤  
擬成歸去賦淮陽敢望拾遺官幸逢 明  
主時誠可欲享高名勢或難老境便從鄉  
里退故園松菊等閑看

初八日大雪翌朝出獵令騎士尋虎跡  
無有但獲獐雉而還馬上偶吟

雪霽南山縱打圍千騎雲合馬如飛穴中  
猛虎能藏跡網外癡獐誤觸機一言未除

餘憤在十禽雖獲素心違蒼然野路黃昏  
後拋却長槍詠月歸

晚起

天明入動聽村老風雪前宵滿一江伏枕  
那堪霜透壁圍爐須喚酒盈缸到門小吏  
纔三輩依樹寒鴉忽數雙却似在家無事  
日卧看紅旭上東窓

又用寒韻荅明之二首

憐君旅况苦酸寒歲暮相逢雪滿冠鄰舍

誰分司業酒諸生却笑廣文官藏山寶玉  
知應少得雨神魚奮豈難天降男兒真有  
意事功當待蓋棺看

角聲吹雪打窓寒曉起搔頭強戴冠西塞  
歲闌猶作客南山廬藥未休官擬觀木鴈  
吾將處無得魚熊古所難末世無聞知足  
者高風只取子房看

正月十四日夢侍 御前甚密邇覺則

戍角三吹夜已半矣因耿耿達旦起而

書懷

春愁更與病相尋  
花滿昏眸雪滿簪  
遇事

自無治劇手  
臨餐徒有省煩心  
殘年祇恐

顛溝壑  
大旱寧期作雨霖  
昨夜恰承

命震龍樓  
依舊五雲深  
高士傳周黨見問  
買食無菜遺生

頁曰我欲省  
煩而食

次韻奉呈警邊使行軒

行止由來係盛衰  
蔚然山斗佐明時  
絲綸

忽降登壇命  
風雪遙隨出塞旗  
馬首春光

分澹蕩吟邊物色競  
參差嗟吾尚滯關西

路遲暮空馳日下思

次統軍亭韻上警邊使行軒

行旌窮塞問邊情  
走卒當年亦識名  
形勝

已供曾次壯風烟  
都入眼中平  
鸞鳳一下

人爭觀蔡戟西臨虜  
暗驚自愧久居盤錯

地消埃猶未補清明

登延坪嶺

一嶺鬼戎路險艱  
龍荒朔漠有無間  
江分

區域天成塹城截要衝鐵作關落日搏前  
長短笛行雲眼裏占金山欲尋佛尚問何  
處千載芳名也不刊佛尚名其夫被  
崖而死今有  
旌門在巖下  
城開特地俯江濤不待金湯勢自牢萬里  
妖氛期欲掃十年雄劍撫還韜道途屢過  
重岡險烽火遙看列戍高聞說朝廷將擊  
虜獨憑西塞謾憂駮

次碧潼東軒韻

宿阿耳嶺

一關雄據自天成鑿道何年役五丁江邊  
兩崖窮地軸城臨群嶽壯山形驅羊已信  
難攻虎下甲終知易建瓴倚劍長歌歌激  
烈功名不必慕丹青

理山途中

塞上東風料峭寒崎嶇嶺路歷重關盈盈  
素練異鄉水點點青螺何處山老馬慣行  
從緩緩幽禽解語聽喧喧白雲迢遞身千

里吟盡三春猶未還

理山郡次東軒韻

城隔強胡尺水間  
羈縻不易守  
尤艱當今廟議存  
深警自古遼情  
徂久安壯志欲夷  
重嶺險遠遊終負  
一春閑平生悔未聞  
軍旅撫劍憑危覺  
厚顏

次前韻贈黃兄

一身疲役百年間  
涉世方知事事艱  
吾道已衰將欲退  
主憂猶在敢求安  
可憐客裏

三春過未有途中  
半日閑邂逅情親  
仍話

舊小窓燈下暫開顏

踰央土嶺

在理山  
渭原境

澗道陰陰雪未融  
荒苔埋石樹連空  
曾過絕塞重關外  
更入深山亂水中  
異域此時還落日  
故鄉何處是春風  
停驂獨倚危峯坐  
一望胡天萬里窮

過國師嶺

空谷遙遙柳色黃  
蒼苔白石一溪長  
多情



好鳥鳴林下無數青山擁路傍到底春風  
吟裏老從來世事夢中忙吾今屢過垂堂  
險且問前途幾太行

宿渭原郡有感

西塞三年去國遙斷蓬今日更飄飄眼昏  
久觸江風暗髀肉還從嶺路消九死寧辭  
危險地一生曾許聖明朝夜深酒醒仍  
無寐戍角聲中鬢半凋

次仁風樓韻

危樓登眺倦遊餘江合東西地欲虛嶺月  
來時驚獨鶴溟風起處變神魚陰山積雪  
春猶在古塞頑雲晝不舒勝賞未窮還悵  
惘清高非是俗人居

江界途中

禿魯江南野柳青松林嶺北塞天平山川  
信羨非吾土道路多艱奈客行宦意如雲  
垂老卷羈懷同草趁春生他年準擬功成  
退蒯水扁舟載菊英

狄踰嶺北洞

春山無伴獨登臨  
雲物蒼茫洞府深  
谷鳥遷喬如有意  
岩鼯出穴自無心  
樹陰蔽日迷幽徑  
川響隨人到遠林  
萬壑千峯吹笛過  
松風為我助清音

過狄踰館

層崖處處帶晴烟  
高樹冥冥蔽洞天  
白石蒼苔俱可愛  
幽花野草亦堪憐  
多情一鳥啼空谷  
得意羣魚泳碧川  
役役此身何所

事三春虛負道途邊

次熙川東軒韻

脩然散步客  
恣東翠壁澄波  
一望中歷險  
遠遊關路盡  
憑危長嘯塞雲空  
天籠萬像  
供詩料  
春放千林  
著畫工  
半日偷閑  
差可喜  
喜明朝  
世事更紛忽

次開平館四絕堂韻

堂敞暈甍半入烟  
地窮龍首更無前  
川從縹緲通蓬島  
山擁清竒護洞天  
明月桂香

來靜几微風松子落閑道人間四絕知難  
又客裏忽忽只自憐

川上又次校官李明之韻

殘紅飄盡綠初舒可惜春光九十餘雲外  
千峯看積翠岩前一水俯涵虛山靈送雨  
應催客谷鳥吟風似唱一歌管欲迷林路  
遠夕陽歸興復何如

梨亭晚酌次韻示同年尹嗣宗

梨亭携酒暫偷閑可惜餘春是屢殘習習

香風生院落紛紛白雪點杯盤推擠不去  
三年苦邂逅相逢一夕歡促膝莫辭燒燭  
飲明朝留看好花難

次荊公偶成韻

處世真如醉夢醒高歌一曲撫豐城韶華  
有限隨年減愁緒無端逐日生薄宦未將  
殘骨去狂圖猶冀聖時行可憐松柏緣何  
事歲晚霜風獨力爭

七夕大風雨次明之韻

風雨崇朝萬樹飄，潦深田野斷梁橋。因嗟  
尺地翻成阻，更覺孤魂暗欲銷。天道豈能  
無變化，人生祇可避紛囂。名辰旅館空留  
滯，獨想神仙會碧霄。

送林判官亨秀赴會寧

聖朝方軫北邊憂，文武求君侍從流。年少  
已能懷遠略，名高亦足鎮遐陬。城臨豆滿  
風塵靜，碑立先春歲月悠。一去兩雄功萬  
古，男兒安肯為身謀。

次昌道驛壁上韻

寵恩榮養孰如之，回首終南尚戀思。北塞  
黃雲歸去遠，東門落日出來遲。花殘野菊  
秋將老，山遶郵亭路自歧。杖鉞渡江聊擊  
楫，一生安肯負心期。

次安邊東軒韻

勝日開樽嶺海中，高樓歌吹沸秋空。清遊  
已負龍堂雨，逸氣聊憑鶴浦風。有約溪山  
長道路，無情天地老英雄。昇平聖代三

邊靜自笑書生亦搃戎

登元帥臺

臺在安邊鶴浦縣海邊有大澤澤中有小峯

元帥何年上此臺名流人去謾悠哉青峯  
隱約浮空起碧水微茫半腹回橫網大洋  
驅百族掛弓高樹倒千壘將軍意氣雄如  
許只為平時韞不開

次永興望京樓韻

登臨非為惜年華客路關河此一涯青海  
北來頭盡雪紫宸西望眼添花龍江繞檻

雲猶宿烏嶺當簷日欲斜受命飲冰聊自  
笑蚊山其奈力微何

嶺外重陽菊有華樓頭雲物望無涯秋風  
獨立邊城月霜樹偏驚上苑花鼓角遙臨  
青海動旗旄直向白山斜平生愧乏經邦  
策辛苦軍民奈爾何

過咸關嶺馬上有吟

咸關東望鬱縈紆洞遠林深別一區落木  
溪橋人正寂秋風野院鳥空呼山圍谷口

立巖集卷之三  
二十八  
天疑小路到峯頭日欲無攬轡據鞍身更  
健男兒何用惜馳驅

洪原路中

出關千里更登鞍近塞秋深草木殘碧海  
茫茫山一點青烟漠漠日三竿風恬別渚  
鳧眠暖霜重荒田犢立寒數曲荒村雞狗  
靜依然身到武陵間

宿仁遮外堡次觀瀾軒韻

一軒高壓石崖邊遠客登臨思渺然老木

蒼波迷鴨水寒雲落日暗胡天馬蹄踏盡  
關山破旗脚行隨朔雪翩抵為聖恩思  
盡悴功名不要畫圖傳

踰厚致峴書示李景容

萬壑千峯樹木昏誰料此地偶逢君抄秋  
已積重關雪薄暮常屯古塞雲髀肉每從  
征路減頭霜偏為別愁紛吾儕幸值酬  
恩日安得同心效一分

吾足路中

喬木參空亂石懸斷崖橫約度冰川重峯  
白雪迷關路窮漠黃雲接塞天驛肉不愁  
消馬上眼花偏怕落鴉邊平生爲國忘  
勞悴還愧詩人詠獨賢

踰霍嶺

重關峻嶺接穹蒼歲暮憑危客思長壑籟  
遙鳴風借勢海瞰高出雪爭光幽崖仰嘆  
松杉秀空谷深窺虎豹藏到此征夫愁欲  
老爲渠安得斬戎王

踰玉嶺用前韻

嵬峨玉嶺鬱蒼蒼崑嶽藍田彌竝長萬古  
巖巒真氣象四時林木自輝光尋常不與  
他山比秀麗應知羨璞藏却恨世間俱眼  
少誰能抱泣獻君王

次利城浩浩亭韻

亂峯環翠又清灣天爲茲亭設秘怪芳草  
欲迷關外路宿雲猶帶海中山半蘂梨雨  
催春色滿壑松風入醉顏倚柱縱觀溟渤

小鵬程直在一翅間

次端川挹瀨奉韻

傑構崢嶸斷纒頭登臨逸興浩難收  
山包大野兼雲迥川割平郊接海流  
力盡關河唯有馬身閑人世不如鷗  
客中剛被斯文意獲酒聊成半日留

陪慈氏遊侍中臺

臺在北青利城境庚子二月十二日也

青山一片出雲端臺下滄溟滿意看  
歸艇極天帆似葉橫風衝岸雪生瀾  
久知孝理

同春大更覺恩波與海寬此日開筵榮白

髮流連非是學偷歡

是日林判官士遂自會寧適至曹一律以

示即次韻酬答

復用望京樓韻示林士遂三首

一春難得久若華疲役人間亦有涯  
橫契直須呼美酒倚樓安用惜殘花  
牧丹庭院香風動揚柳池塘細雨斜  
邂逅共知心事在欲將餘外付誰何

沛邑民稠盛物華朱樓迢遞起江涯  
笙歌



落日能留客樽酒春風好賞花  
黑石遺基喬木在平川古跡塞城斜  
真人一去山河是為問先陰閱幾何  
亭午雲陰斂日華簾紋微動碧波涯  
轅門細雨搏盈酒矢道垂揚眼纈花  
春滿歌堂渾錯莫風吹舞袖轉橫斜  
人間勝會誠非偶明發泥途可奈何

贈僧信聰

名剎曾聞有釋王洞門深鎖萬松蒼  
幽溪三壁通勾曲碧瓦金扉近上方  
春寂雲蘿禪夢熟路長關塞客行忙  
他年準擬尋真去青眼應知不下床

次聞韶樓韻

樓居偏近洞中天簾箔遙開翠靄邊  
一面野平遙見水數株松偃不知年  
花階已泰堯三等仙樂猶疑舜五絃  
邂逅偶成燈夕會霞觴更倩玉人傳

題別害堡

萬壑千峯信馬過孤城隱約枕江涯樹陰  
蔽日深穿路洞府經春始放花粟麥僅能  
資土業鼠獾猶解入官家崖長嶺峻崎嶇  
甚辛苦征夫奈爾何

自魚面向三水有板屋數間在林樾間  
川石洒落真勝境也

清江一曲別林谿露坐風餐興已迷深谷  
逶迤流水遠小亭寥落綠陰齊四圍青嶺  
中藏境南走丹崖半浸溪客裏雖存懷土

意此間聊欲卜幽栖

次三水北樓韻

河水初合雪侵鞍風兼三川覺倍寒鴨水  
有情分域去胡山無語向人攢雲橫古塞  
迷歸宙月近邊樓解上欄誰信窮鄉多勝  
賞箇中泉石未曾看

求興小樓偶吟

小樓蕭洒樹陰重客路偷閑簿領叢觀物  
暫憑南郭几納涼高卧北窓風庭花卷盡

歌聲裏蒼燕飛來舞影中  
細酌沉吟聊自遣  
不知西日下蒼龍

題羅暖堡

冒險曾經蜀道難  
停驂孤堡暫偷安  
長江繞塞城如斗  
巨嶺橫天路幾盤  
野闢水田碁局正  
山開雲宙劒鎗攢  
忠勤不為衰年減  
行盡關河更據鞍

宿仁遮外堡再次觀瀾軒韻

鞍馬重臨絕塞邊  
倚欄川上便翛然  
清心

潭影明橋道聒耳  
波聲闌洞天  
見性擬於魚泳樂  
助吟時有鷺飛翻  
湖山且可成遊賞  
青海今無一箭傳

佛巖

巖在吾足雙清間

臨水登山歷幾州  
佛巖泉石最清幽  
旁圍絕巘嶢嶢立  
下有奔川澗澗流  
邃谷雲林深蔽日  
小橋苔徑別巖區  
匆匆未盡翛然興  
安得重尋滿意遊

次端川壁上韻

客裏襟懷自萬端開樽聊此駐征鞍亭臨  
挹灝江如練嶺望磨雲路幾盤數樹花明  
驚絕艷一軒松翠可微寒驅馳塞上成何  
事唯有歸心入鬢斑

下嶺望神方堡馬上偶吟

崎嶇踰嶺復沿流洞谷盤紆路阻脩老木  
有絲垂百尺青山無語度千秋孤城落日  
迷烟氣長笛西風動客愁暮角催歸投旅  
館冷燈哀拆夜悠悠

三水路中有奇石如盤在江心平穩可  
坐即令騎卒橫木作橋携賓佐步入仰  
見高峯倒臨若墜俯視江流淨無塵滓  
乃散坐巖上設酌取醺時則歌管激烈  
群下起舞甚可樂也遂成長律以記興  
云

如盤大石壓平湖四面青山別一區碧水  
澄澄安敢撓危峯飢飢若為扶開樽亂酌  
酬清景擊劍高歌舞壯夫日暮歸來餘興

足笛聲吹送片雲孤

登神方門樓次成觀察韻

四塞孤城歷險頻重尋舊路尚如新石田  
半獲誰為主水杵長春不待人老栢挺身  
真氣節青山當面摠精神溪橋日夕風來  
處散步高樓獨岸巾

雲坡洞

江邊十日不離鞍探勝寧知道路難邃谷  
雲開橫約遠高林葉脫亂峯巒苔封古木

蒼龍動塵絕秋波碧玉寒歲暮空山歸思

苦詩魔來觸自無端

三月初一日率賓佐遊穿島

島在興原東五里許

臨海最醉書一律次金校官之韻

穿島遇吞碧海雄蓬山疑是闕波中千重  
螺髻連雲迥萬里鵬程入望空落日莖歌  
飄上界春風花柳擁仙宮醉來橫梨題新  
句歸驚飛霞興不窮

巡到永興與金判官孝善閔都事仲鳴

鄭正字浚及諸賓佐設酌觀德極歡而  
罷

邂逅開樽衆羨并遺忘奇禮總真情旗風  
不動轅門靜池柳成行矢道平猿臂較能  
連破的蛾眉爭唱屢傳觥吾儕到處 息  
榮足却愧將何補 聖明

三水路中書示林士遂時士遂受由監  
司從我遊甲山三水至魚面而返四月  
旬後也

哀拚聲殘罷曉螺據鞍聊復傍江涯爭春  
碌碌千林鳥照水盈盈十里花路轉幽溪  
遠短竹苔侵陰壑沒枯槎孤憂 聖世難  
酬寵衰病唯應卧碧霞

魚面道中次士遂韻

信轡春山睡欲牢靈飈清道逐旗旄冰消  
萬壑江流長路割千峯石棧高身遠已成  
塵外客興酣須作酒中豪平生許 國丹  
心在盡瘁寧辭馬上勞

百二重關鎖鑰牢元戎出按擁旌旄江  
流百轉鑿塘險嶺路千層劍閣高帶雪  
林巒迎使節殿春花鳥惱詩豪偷閑處  
處堪乘興從事休言我獨勞林亨秀  
三水館偶吟奉呈案下

面面山光翠欲濃鴨江春浪暖溶溶羸  
驂關路三千里古塞烟花一萬重去國  
不須悲遠宦執鞭聊喜躡高蹤詩壇武  
庫開霜電欲試鉞刀已退鋒林亨秀

汝林士逸韻兼示崔郡守終浩崔公乃  
舊僚也有才畧戎務之暇又能作奮勸  
耕公私賴之

邃谷深林紫翠濃山高矗矗水溶溶戎衣  
駟騎身千里石棧雲梯路幾重塞下良田  
人有粟朔南豐草馬無蹤將軍橫槊渾閑  
興更與詞臣闢筆鋒

五月初十日發北青宿濟人館明向甲  
山

細雨崇朝晚尚陰層雲垂地露高岑郵窓  
月黑飛仙鼠社樹風清宿野禽千里據鞍  
青海路五更推枕故園心數聲曉角催行  
色山遠川長翠靄深

厚致洞中

小橋幽石摠依依幾度行旌過翠微滴露  
浸滌添澗泓攢林蒼鬱蔭陽輝人攀鳥道  
雲為蓋木屈龍身解作衣秣馬板亭仍北  
向清茹聲斷又斜暉

早發終浦館過三峯新路

路距甲山才九十里舊路

別由熊耳館至甲山一百二十餘里有  
熊耳民請開路於此以為征卒往來之  
徑乃欲治道則三嶺高大草亦甚密非  
一邑人力所能治只令開荒補反而親  
審之穿木而出僅容一馬  
頗冒危險一行皆以為苦

三峯相望翠重重一線初縈萬樹中龍骨  
縱橫多碍木羊腸筆硯漸盤空披荒却恨  
人烟絕陟險還愁馬力窮已覺征夫由徑  
利誰能終做鑿開功

甲山二樂亭次韻



懷抱難逢故警開  
客中無興併辭杯  
闕山一角身孤寄  
雲樹千重首獨回  
不耐邊風吹帽去  
那堪塞月照窓來  
流年冉冉江聲裏  
遊子歸心未易裁

阿叱間嶺

嶺在同仁雲龍兩堡間即甲山地

炭上何年路始通  
山幽洞僻樹陰濃  
旁窺一壑寒流瀉  
下挹羣峯積翠重  
熊折橡枝留舊跡  
鹿眠萍渚養新茸  
雲林遠與村墟隔  
巖穴無人碧蘚封

### 題惠山鎮

一江天塹向西流  
孤壘要衝據上游  
擊柝巡城愁度夜  
連烽列障苦防秋  
寒雲塞草遶胡路  
落日邊風撼戍樓  
古寺應隨兵火滅  
尚餘層塔在山頭

傳山下有寺基是為寺洞不知何代所創何年廢亡云

### 登綠礬煙臺望白頭山

遠陟煙臺暫卸鞍  
堪憐戍卒飽辛艱  
角聲繞落青冥外  
烽火宵通莽蒼間  
塞上城臨

傳箭水漠南天接掛弓山白頭忽脫重雲  
出平貝三層不足攀白頭山有三層  
高二百里云

題雲寵堡

城臨要害士多才洞入寧坡路自回一水  
遠從胡地出重峯高控漢關來壯遊窮塞  
堪橫槊孤笑他鄉且進杯天末白雲時入  
望夕陽長笛使人哀

九月初十日將如京到高原主倅辛公  
祉爲余設筵于林亭改東軒韻以記興

高會林亭九月旬風梨露粟口流津家山  
已負重陽節關塞初還萬里身解事菊花  
仍上帽多情桂影故隨人笙歌盡日饒清  
興客裏何須抱苦辛

重到高山館留宿次韻

三年塞外始歸鞍羸卧燈前鼻尚酸夜月  
虛窓幽澗響秋風落葉亂峯寒關山獨立  
唯衰鬢郵館重來少舊顏明發亦知踰鐵  
嶺夢魂先自入長安

次价川東軒韻

山河入眼總熹微風送行塵上客衣村路  
縱橫桑樹遠郡齋寥落吏人稀蒼生不識  
三春樂青帝能分萬物輝自笑徒勞無寸  
效幸前北走又西歸

次寧邊東軒韻

攬轡東風任帽斜憑欄忽覺眼添花峯巖  
隱約環如甕雉堞周遭護幾家棠路光陰  
消髀肉柳營烟雨濕窓紗樽前刺得詩人

興却愧平生語乏華

次降仙樓韻

雅懷平昔愛林泉佳境如今忽眼前漏穴  
千秋流作沸層崖一道翠相連已知弱水  
通蓬島更覺巫山護洞天何必乘槎尋上  
界倚欄吟嘯便悠然

同遊真箇五簫三踏向芳洲水似盃人物  
百年名獨在江山千古影相涵雙雙白鳥  
飛晴渚六六青峯帶夕嵐佳節他鄉成勝

會浪吟聊復憶終南

船上醉題

步上高臺試踏青歸來煙渚更揚舸臨江  
萬炬金成柱掉地羣峯錦作屏倚醉遙看  
雲外樹耽歡堅坐雨中亭山靈且與春風  
便午夜笙歌響杳冥

次江西東軒韻

客路猶迷馬首東重來旌節鶴亭中溪山  
到處渾無恙風景隨時自不同撥色染楓

藏淨剝磬聲搖月落青空翛然剩得松間  
趣慚愧浮生劇轉蓬

龍岡東軒次韻

小窓羈思正悠悠一兩蕭然似九秋坐愛  
池塘通活水却疑身世泛虛舟花含曉露  
多情笑魚戲春流滿意游領畧最知清靜  
處客中那得久淹留

重到開平驛登山亭次韻

墟落依然生暮煙茲亭曾過六年前蒼崖

未覺纖纖雨樹密纔看片片天四面青山  
圍畫障一林清籟替歌筵驚遊寂寞無消  
息陳迹詩篇倍可憐舊日同遊今皆逝矣  
詩獨在焉故末句之

此意如

### 雲山東軒

古郡荒寒一院深短墻殘砌繞烟林吟鞭  
幾渡清江曲使節遙穿綠柳陰躑躅紅蒸  
餘晚艷薔薇黃澁秣芳心重來七載山河  
是却訝霜華兩鬢侵

### 內院路中

歌吹前途引我行林巒曲曲水泠泠龍潭  
敢侮興雲物真窟還憐絕粒形萬樹無風  
晴靄靜一尊斜日暮山青境深何處尋蕭  
寺應有鍾聲出緲冥龍潭國真窟皆在道  
傍窟中有絕巖僧一  
人

### 次朔州東軒韻

塞路艱關過列城衰年猶自仗忠誠擬將  
馬草隨千里肯把鴻毛惜一生紅藥半開

當客館青山無數繞歸程  
林庭寂寂斜陽外  
霜鬢依然記舊行

次龜城東軒韻

素心非獨在功名  
學比前修愧不精  
戎馬詎能堪制閫  
玉堂空復忝登瀛  
遙將白髮看喬木  
默對青山認古城  
風雨一庭紅藥老  
倚窓偏覺客愁生

題殷山澹澹亭

少年友申君光美為縣之四年政平人和迺於

客軒東北隅得勝地作小亭亭既成而子適至焉於是申君請余名予觀夫茲

亭也吞遠山范長川延清風納明月澹澹有無限景趣則以澹澹名之其可乎

因成一律以記名亭之義云

勝區終豈棄榛荆  
高構還應有待成  
憑檻正臨流水曲  
捲簾遙見亂山平  
春深柳巷亘風暖  
秋入楓巖可月明  
二樂雙清俱澹澹  
不妨收取作亭名

送宋壯元赴京

壯圖安肯效兒曹  
抵死丹心守却牢  
白首憶曾魚隊戲  
青冥難及鳳飛高  
共遭平世

寧非幸長在脩途不是勞鶴野龍灣消息  
斷只應明月照征袍

送李觀察赴咸鏡道

聖主方勤北顧憂巡宣端合注君侯山河  
舊是興王地風化今當易俗秋壯畧猶能  
寒虜膽仁聲亦足慰民愁寄言邊老思吾  
未心事蹉跎坐白頭

次同年生負張應斗詠歸堂詩軸韻

蓮榜參名壯載餘老來多病類相如漢河

謾作三年客雲樹難通一札書尚友平生  
唯與點求詩此日遠尋子細論卜詠空遙  
想安得親過子耶居

洞庭秋月

巫山秋氣晴青楓白帝城寒一葉風暝色  
欲來湘浦外晴光忽射洞庭東人隨黃鶴  
樓千古帝死蒼梧竹數葉午夜星霜江似  
練孤舟客宿短蘆中

垂楊

誰家門巷映垂楊  
負負高枝百尺長  
已遣飛花欺鳥白  
還將密葉護鶯黃  
綠蘼庭院微風暖  
青草池塘細雨香  
却得光陰容易過  
空餘脫翠在松篁

立巖集卷之二

立巖集卷之四

五言排律

寒食鞦韆

全辰一百五  
寒食氣淒淒  
南野韶光動  
東風霽景凄  
鑽榆求火出  
貼柳作門題  
冷粥和柔酪  
香蔬雜軟藜  
禁煙酌父老  
祭野走僮妻  
墓木爭焚紙  
村觴共泛蟻  
無邊春似海  
何處柳成隄  
綠樹連天起  
橫枝近地低  
長繩交紫翠  
高架隱虹霓  
舉手煩推引  
臨



風屢上躋傾都來士女換酒散瓊珪紅袖  
尋花返青驄繞柳嘶半遮顏似玉雙手  
如莢下上形偏矯東西眼欲迷爭看翻翠  
帶不惜落金鉤縹緲同冲鵠翩翩似舞鷺  
秋花飄菖水風萼散梅谿正可呼仙戲端  
非效滑稽弄玉輝崑崙跳金耀紫泥欲將  
窮狀態誰復指端倪自能昇月殿何必借  
銀梯灑氣騰身御天風滿袖携跨空如挾  
翼俯地乍凝睇仰見如神也傍矜自繫号

山戎風始習中國學將奚翫戲仍成俗流  
傳尚不駸明皇當此日綵架蒸金閨宮嬪  
方供笑胡雛已動輦前五今可鑑盛世孰  
能齊願祝千秋壽餘恩及衆黎

送光潤子淨下第歸檜庵寺

岵堯天寶嶺下有太伽藍境舊傳金地名  
今擅檜庵層樓連碧落危觀隱晴嵐月掛  
顰蹙逗雲仍佛宇叅重廊高映日別樹遠  
臨潭繞檻清泉激當軒白石巉川原爭闔

闕崖谷互巘崑洞府迷花竹山門擁栢杉  
白來煙出澗清散水噴巖日暮猿初叫林  
暄鳥正喃松深藏鶴頂雲遠降鸞驂勝賞  
曾千萬追懷只數三送君今日去尋我昔  
年探文學皆名世風儀迥出九辭鋒秋共  
凜氣宇海同涵相馬遺騏驥求材棄杞楠  
東風吹馬首春色上烏衫野望歸雲盡山  
看落日含竹書朝對案香火夜開龕主聖  
將何補官清實自慙不辭奔走苦非為利

苦貪羨子身無繫幽懷自不堪

踰阨已外嶺向神方堡

嶺在三水地

倦寢罷晨酣扶勞復整驂路長愁翠嶺  
截畏嶢崑白日昏深洞清溪吼亂巖長風  
鼓靈籟疊嶂帶晴嵐翠擁多栢栢黃飄老  
杞栢木顛貂有徑林靜鹿相參五味秋成  
實人蓼土養甘荒閑真特地寥落想幽菴  
獨立將招隱誰憑作指南翻思吁咈樂歸  
意浩難堪

重遊佛岩洞

重尋佛巖洞春物正氤氳谷鳥如迎節山  
靈為掃氛危岑旁矗矗激水轉沄沄秀石  
初開畫幽葩競吐芬苔橋微有路煙樹紗  
無垠下馬窺林麓移樽坐水濱天香擁蓮  
幕花色如紅裙玳錯羅齊岸笙蕭響徹雲  
歡娛同衆羨醉飽及諸軍好樂寧忘職孤  
憂尚念君每慚叨重寄終欲策竒勲撫劍  
心何遠歸途日已曛

七里灘

高矣先生躅懷哉七里灘如何長偃蹇且  
復此盤桓塵世身相遠湖山道自寬帝堯  
雖在位巢父肯為官物外從高尚宮中罷  
誓歡天星繞動象江客忽垂竿漢日千山  
白巖風一水寒緒餘陶氣節天下聳瞻觀  
古懶無歸釣今時孰掛冠因思洗流俗安  
得借餘瀾

介山

人去山猶在高風不可攀  
廟門常寂寂流水自潺潺  
介子平生事文公十載間  
天倫不相保國事固多艱  
在義同生死剖肌等草菅  
非因窮處濟未必異時還  
效節先諸子論功豈一般  
如何成霸業竟使入綿山  
不可身宜退長辭意已閑  
山焚名更遠千載足庶頑

黃金臺

家君嘗有燕金一臺費齊寶舉城來之句因成此詩

太保基中圯昭王志復恢山河同負恥天

地獨舍家知力難圖國求賢擬築臺千金  
懸照耀百尺構崔嵬胥去吳兵敗莫歸秦  
豈開興亡關一士危亂况羣才一將揚龍  
虎請披犀兕會燕金一臺費齊寶舉城來  
功大非尋常人亡乃國災誰能繼先志不  
見善堂

七言排律

廣陵觀燈

聞說廣陵佳景地環觀勝賞固難名山川

竊窺真天府城郭周遭似玉京萬里人烟  
成集落千年民物樂耘耕風流絕勝聞天  
下士女爭妍儘大平憶昔明皇思一往當  
時道士自相迎橋成忽見千尋迥虹起俄  
驚萬丈橫御氣還同起汗漫虛元不躡  
崢嶸須臾恍若從天降咫尺何勞縮地行  
縹緲都城遠處所依倚陳設極縱橫風烟  
迥與凡塵隔日月偏從特地清萬古名區  
元自異一天燈夕又新晴籠回棚列層層

出雲卷烟開點點生彩暈縈林初隱映紅  
光照夜漸分明高張萬幕天如畫爛入千  
家火作城羲馭徊徨蔽景像月娥羞澁讓  
光晶映江入底蛟龍避照穴無幽鬼魅驚  
却恐燭龍三夜闔還疑列宿一時傾皚皚  
瑞雪迷千里焯焯紅蕖簇萬莖金殿玉樓  
深隱隱錦囊紅袖遠盈盈香生寶篆花連  
席影落流霞酒滿觥自是真遊非世有從  
知異事與仙弁五雲初見玉喬馭三弄遙

聞子晉笙雲霧衣裳紛綵瓊林環珮乍  
瑤瑤三生宿契斯為重一夜清歡亦豈輕  
漢武九光燃不數周王八駿宴難爭心傳  
廣樂聲猶遠曲奏霓裳響正鏗興盡依然  
還世界歸來那復到蓬瀛仙遊縱以清虛  
得王業難從逸豫成當日已招天寶亂異  
時還作馬嵬征願將此事為殷鑑宵旰憂  
勤益勵精

金陵懷古

天開形勝擁金湯氣毓蔥蘢起帝王鍾阜  
北來如虎踞石城西峙似龍驤江分吳會  
成天塹野極荆門控地方六代衣冠歸草  
草千年文物想洋洋三龍崛起皆偏保大  
帝雄圖亦未遑齊宋興亡那更數梁陳成  
敗不須詳方期霸業從茲久誰信豪華在  
後忙經畧中原終自昧淪安一域等歸亡  
山河依舊風流盡故國如今客恨長尚憶  
鳳凰臺底屢遶吟擬和謫仙狂

次降仙樓韻

朱樓迢遞向江開，舊國蒼茫客獨來。當日經營非偶爾，一區形勝信奇哉。城臨屹骨周遭在，洞闢巫峯次第排。檻外平湖明似鏡，街頭弱柳綠成堆。為逢佳節尋芳草，欲喚羣仙把玉杯。醉裏已忘今古事，恍然身世入瑤臺。

立巖集卷之四

立巖集卷之五  
五言詩古風

讀小學

真精妙相疑，明命初無私。清濁雖異稟，賢愚同秉彝。婉婉彼孩提，各自懷良知。愛親是自然，敬兄非毛皮。物累寢蒙蔽，澄源漸澆漓。欲補凋喪後，莫若因天資。聖教貴乎豫，故自能言施。成山詎無址，築室知有基。端本可齊末，培根方達枝。知慮初未定，善

惡由教移吾觀其之子初非性能其夷貊  
生同聲既長言味嚙蒙養苟不端義質成  
庸姿本心如得全堯舜亦可為三遷孟受  
教二南鯉學詩從來作聖賢非教難卒期  
習安若素有化久無新疑物至亦難動心  
專方易持灑掃應對問始見明倫儀齊家  
治國道皆自修身推不出方寸外萬理無  
一遺日用常行裏所處無不宜坦坦措行  
地了了存養時全體既立此大用將在茲

巍巍隆古時上有明君師教學極明備民  
俗皆淳熙周衰聖不作教化日陵夷孔孟  
亦無位聖學傳者誰珍重子朱子為我重  
發揮將為萬世利豈曾開蒙兒開來繼往  
功職分安敢辭刑修與蒐輯前後同一規  
小子竊有志獨恨生世遲摳衣已無及開  
卷先有思敢不奉遺篇嘉謨誠在斯踰序  
既難攀主敬為庶幾理會如未極口誦將  
何裨沉潛常亶亶夙夜儼孜孜致大何忽



小登高當自卑門庭此可入願言毋自欺

墮淚碑

一理本於天在人為良知見善孰無感此  
心乃秉彛英雄苦生晚有晉多事時秦梁  
動胡騎吳蜀多旌旗中原孰恢復指天長  
涕洟戰伐不得已殺戮非所期懷民莫如  
德服人難以威矜孤與恤寡父生而母慈  
南土幾萬人惠澤入骨髓死生是天命功  
業非人為師出賊未滅公去民何依市卷

共驚彌不雪親戚悲鳴嗚父老哭攔道啼

羣兒飢者誰復食寒者誰復衣昔時相哺  
响此日應流離襄陽百年地想公嘗遊嬉  
有木勿剪伐有石勿轉移舊物尚可見斯  
人不可追荒涼一片石峴山之南陂水聲  
更鳴咽山容慘無輝春草滿古廟喬木寒  
鴉飛落日殘城上悲風白楊枝歲歲襄陽  
人椒醕來陳祠白髮下清涕悠悠見遺基  
塢頭已剝落字沒莓苔滋行人共揮淚指

為羊公碑當時無盡哀留與後人思是知  
有德者感人自我推嗟哉一端善天賦初  
無私賢愚性同本感慕固其宜人去事已  
遠萬古英風吹徘徊峴山上獨詠李白詩

杖劍歸漢

經濟為時出去就唯裁斷是豈苟然者君  
子所當患平也本好學自少懷拔亂家貧  
不自奮十載擬擄散當時里中宰已有分  
肉糞誰知一布衣方寸抱奇筭一從秦關

裂天下苦塗炭干戈無休息歲月坐向虛  
安能此鬱鬱行矣且勿按三尺舊神物終  
歲埋豐岸斗間赤虹斷袖裏神光燦凌異  
南度河壯氣中天貫知人在長者不應紅  
慄悍相歡若天授一見猶舊眼人心望三  
師雲霓思大旱殺戮非安民寬仁可協贊  
外服雖以威不可鋤內慢楚人好殘虐所  
過盡焦爛流毒播四海威聲天下冠烏江  
勢一摧親戚亦相叛固知剛強死仁者誰

敢謾雖然漢所興仁賢而納諫吾觀六出  
計神奇多變幻不勞甲兵用炎精得炳煥  
火哉匡難功不下齊相管嗚呼湯武業千  
載誰復續王道竟未遑彼哉徒相漢

讀魏徵十漸疏

萬幾本乎心此心何其危危安念差千  
里真毫釐君子故憂漸魏公其得之觀公  
十漸疏只為君心規君心使小怠有終難  
可期勵政今幾秋不如初年治浸波至濫

觴欲救知無裨曷若早防微不然終莫支  
天下得之難既得又難持治成志必倦志  
倦心便移心移奢且恭奢恭危亡隨那知  
大可畏本在治安時公疏為此發至戒良  
在斯豈但中時病百王當念茲太宗亦賢  
主間過輒嗟咨非徒賞昌言又令揭屏帷  
後來三百業知此為唐基吾王撫盈成  
圖理方孜孜雖然庶政中豈無一事遺應  
恐草澤臣察漸而潛悲願開進言路求善

如救飢遂使君臣間親信無諱疑何患不  
如古治道自然熙小儒讀疏罷有感為之  
辭

易水歌

慕義不顧死遠自曹沫始五百有餘年  
荆卿最後起不說列國君自期天下士狗屠  
非我徒聊與遊燕市漸離解擊筑豈識行  
歌志獨有田光者相結為知己光歸卿所  
歸乃過燕太子自非光一言丹亦焉能致

秦待少舊歎燕質多怨意思得一勇客庶  
除見陵恥尊卿為上卿禮敬固已至獨倚  
卿一身專付國大事許友節俠能輕生壯  
士易一劍入強秦群賓送易水高歌激慷  
慨慘慘天色異西去函關路連天白虹氣  
壯心竟不遂七首空投地身死志無負事  
敗名不墜世皆淺其謀我獨高其義為人  
死不避千載能者幾守信苟不篤臨危那  
至此利盡交便疎末俗安足識紛紛雲雨

態始終難可恃撫劒歌此歌凜凜髮上指  
君子鄉

君子所居地衆人爲善良聲色雖不露教  
誨靡不彰王烈古君子鄉名賴傳芳當時  
爭田者望廬不履疆虞芮雖云頑猶知感  
文王明德有可畏無情自遁藏爲盜天下  
惡知耻人之常寧蹈白刃死勿使知彥方  
極惡亦知化天理未嘗亡聞風尚如彼况  
乃升其堂名鄉以慕人可見人慕長地豈

有是名亦被君子光吾生苦孤陋里仁誠  
未遑杏壇已蕪沒孟鄰成丘荒君子鄉中  
人思之不敢忘君子不可親君看君子鄉

是日過水口玉江等堡宿方山鎮

朝過水口堡驅馬踰荒山城小賊可畏經  
冬人未還道傍埋轂窖累累如蟠間哀哉  
此土人生理誠辛艱行行至玉江危堞臨  
江灣斗絕西北崖其高不可攀方山暮始  
投設寨何稠繆牟牟督此役軍卒無時休

器械雖可嚴人困非良謀凡民少恒產防  
戍多瘡痍誰懷親上志將卒或如仇何況  
吾州民徭役倍四鄰豈但防備事使客往  
來頻轉輸自勞弊迎送相仍因徵歛又難  
當愍然那得陳我是親見者亦未能施仁  
彼在貴重地眼高馬下視可憐無口徒形  
存心已悴念之不能寐轉展虛窓裏戍鼓  
更逢逢令人中夜起

避寓有感走筆

塞上風氣異寒暑常愆和今冬州城中病  
者何其多婢僕亦薰染呻吟久不差我避  
出城南有屋倚陽坡房戶雖云隘敞豁尚  
可嘉况有庭前數株樹頗似故園桃李花  
愛之手自撫佇立空吟哦樹間望西江江  
冰白於沙沿江何所有累累指點唐人家  
唐人家近我家遠却驚身墮天之涯男兒  
出入本無定期燕暮越安足嗟只念上有  
吾君子下有母日日回顧心靡他君門

千里起不見母年七十餘幾何常恐浮雲  
重蔽兮路且阻登陰襄薄兮日已斜我苟  
一員佳期兮後雖千駟萬鍾以榮誇嗚呼  
此恨終古應不磨

次韻奉呈周學士

太原遇周儻日夕仍徘徊鵬程早奮翰豈  
肯終蒿萊扶搖上九萬滄海看一杯悠悠  
斥鷃羣壯懷誰與開晚逢希有鳥復與雙  
鸞來相看已莫逆青眼何相猜椿萱下足

羨靖姑非所哀但得逍遙遊此外何求哉  
吾觀人間世世事真可咤陶然發浩歌老  
曾山崔嵬萬物吾與爾安得登春臺

作戲語寓感衷拜謝兩先生足下

二仙騎二鶴雲中文徘徊忽念華陽洞  
吹簫下蓬萊遺我紫鳳珠飲我青玉杯  
咳唾盡明珠談笑飛葩開拜妻領謝女  
聯翩夜半來一仙夷之清磨之若相猜  
一仙惠之和進之若相哀主人夷惠問

拍手樂悠哉  
沉酣倚床睡  
夢覺堪一哈  
舉頭問二仙  
三山空崔嵬  
嗟我有老撻  
此夕訪瑤臺  
周世鵬景遊

送金注書歸省永嘉

翩翩鑾坡士  
日日金殿裏  
醉遊玉京月  
鄉夢屢入睡  
白雲有遠望  
東風起歸思  
萋萋行塵飛  
迢迢越漢水  
龍光動眉目  
錦衣照鄉里  
壽觴春歡洽  
亦是君恩至  
嗟我有所感  
之子之行矣  
世知國有臣  
鄉稱家有

子人有一行難  
公則兼孝義  
我言諸友朋  
請觀公之事  
古來事君者  
本自愛親始  
聞烏啼有感

烏啼窮山間  
却向故林去  
謂是禽中微  
亦能知反哺  
嗟余早羈孤  
鄙愚人不與  
無才補聖時  
量力當自處  
豈知西塞上一  
卧三年阻萱堂  
已白髮倚閭  
望應苦白雲橫  
遠天出門空  
延佇臨險惜  
甘旨仰屋思  
笑語計日真  
可愛得未亦  
當負一身儻  
自謀



萬鍾非所慕

夜遊勤政殿階上鄭子仁高彥龍從焉

嘉靖壬午余以檢閱直銀臺即以博士直玉堂高以正字直書房

初月出東極異色生殿頭同調得三友偶  
作良宵遊宮庭俯弘敞仰見層甍浮風起  
上林夕露下仙掌秋銀河落瑤砌玉漏傳  
禁樓一天星斗靜四顧人聲收我飲亦仙  
醪此地真瀛洲便欲與君長在玉皇前驂  
鸞駕鶴天上白日相追游

仁補守初彥龍李應來訪醉中偶吟古

風

有客自遠方過我茅簷夕相揖竹門內一  
笑心莫逆開樽松菊間雅吟聊自適醉來  
意悠然日暮南山碧

翠松亭

亭在同福縣北五里許即前縣守洪  
公所創也亭已毀而基址獨存下有  
巖立潭上甚奇古予與童子數三往

登馬乃臨潭垂釣倚巖酌酒俄而溪  
雲忽來山雨乍洒川關林闔崖壑黯  
淡望之若神仙境予樂之或坐或立  
且吟且嘯不知風顛帽而雨霑衣也  
因記其事以示公望

澄澄潭水上翠松亭之下繫馬林樾間步  
上高巖坐青菰巖下摘白酒巖間煮雲霧  
忽滿溪蒼然山雨過林巒變容色雨後尤  
瀟洒世間寧復有此景天所借投竿却忘

歸我豈忘機者

舟中記興

殘日墮西湖輕舟登麻浦烏沒龍山渚烟  
籠栗島樹漠漠看漁舟蕭蕭聽江雨夜入  
遙村宿曉還舟在淋

山中樂

山中樂山中何窈窕遙逸十里之洞壑松  
蒼蒼水泠泠松林可坐水可濯藤蘿紫喬  
木蘭桂吐芳萼明月皎皎開雲漠漠山中

真可樂不如遺世事長伴山猿與雲鶴

踰穿站

悠悠踰穿站路險行人愁  
宣陵在山北  
山木何鬱幽孤臣晚來過  
木禁雙淚流龍  
髯緲何及悵望空淹留

望南山

悠悠望南山依然一蒼翠  
三年癡想心此  
日戎老淡安知此非夢  
夢來亦滿是人生  
寺皆幻獨酌聊自慰

故園梅

可憐故園梅叢生三五枝  
風霜獨不變幽  
香空自持久別安足嘆  
歲暮還有期相對  
兩無語自然清淚垂

七言詩

重到樂生驛記懷

憶昔孤臣謫南時五月漢水澄  
琉璃親朋  
送我到江上相携不肯成  
別離蕭蕭征馬  
指孤館薄暮投宿荒山陲  
旅榻寥寥夜向

深殘燈明滅窓風吹飈思往事不可諫百  
感纏曾潛涕洟辭君棄親遠行邁雖欲自  
寬能無悲此心耿耿終不寐雞鳴又起將  
何之行行路過桑梓鄉垣廬頽落餘古基  
下馬再拜荒墓側仰見喬木增遐思嗟我  
豈敢三宿出明向光州猶疾馳光州城南  
棗水邊瘴煙炎雨多濕卑野店溪村十里  
間黃橙綠竹為藩籬僑居小屋近櫺川窓  
外瑞石光參差麻骨圍庭竹為扉種菊數

叢松一枝豈是身閑作媿應為歲晚同  
心期空堂寂寞無與伴夜長漫漫日苦遲  
家君幸為瓮城宰聖恩似許生相隨皇天  
何奪我所怙哀呼茫茫終莫追艱關扶柩  
返故原依然丘墓封荒陂二年日月不知  
盡秋草春花榮復衰草土餘形心已死豈  
意生來重歷茲樓館荒涼儘如舊人物蕭  
條應已非道傍老樹紙牋掛樓上黃昏羣  
雀飛沉吟坐久聞馬齧箇裏孤衷誰得知

西笑明朝拜金闕南遊故臣清淚垂故園  
梅竹豈忍見空舍無人應不治念此展轉  
何能眠起視星漢空長噫

奉送父執權公弼出守求禮縣

我峨智異鎮南裔下有僻縣名求禮風俗  
猶存上古淳居民僅以十室計公承王命  
往茲土茲土六年應受惠嗟吾先子與公  
厚公亦愛我如子弟吾居比鄰薰德多平  
生樂慕公愷悌惟公本是君子儒志於道

眼清新皆勝地旗脚斜連玉江雲笛聲遠  
落深湖水凌灘一瞥下水口壑龍灣正在  
煙樹裏遙看江上帳幕開知是州人迎我  
至橫流張網錦鱗躍圍野縱馬驚獐起移  
船邀致半刺公髯李短尹來相從一笑慰  
勤慰苦行歡興已溢壺觴中沿江柳綠花  
爛熳鷗鷺飛鳴魚潑刺篙工擊楫壯士舞  
歌吹沸空行雲遏天涯誰信有此樂放浪  
似非離鄉客日暮歸來憂復生千古范老

真先獲

望海吟

龍濟古塞遼之陽鴨水西奔鯨海長高亭  
霽後望不極粘天波浪徒茫洋蜃氣浮空  
忽千變層樓積市遙難詳弱水三山在何  
許鰲柱一點同毫芒乾坤相涵日月淪虞  
淵萬里通扶桑渾渾誰能測涯涘紛紛巨  
細歸包截蒼閭長鯨齒若山戲遊於此真  
尋常何年六鵬始圖南不見雲翼橫穹若

咨予平生所見小自多杯水盈坳塘豈知  
今日得壯觀舉眼不覺神飛揚翻思利涉  
浩無際雖有羽翰難容翔天生大聖為濟  
世空欲乘桴良可傷生時苦晚志猶在可  
笑吾衰不自量安得靜拭四海波風便一  
放千龍驤遂令天下共妥帖坐見溟渤如  
康莊

過武關有感

秦人獨扼天下吭諸侯膝行風下拜紛紛

攘奪不知止周鼎當年亦見吠山東六國  
是強楚帶甲百萬雄海內分兵據險數十  
年秦師不敢窺關外祖龍啞啞計無出穰  
侯縮頸無可奈說客一朝近楚席南出萬  
里連冠蓋辯言萬端豈足恃歡好纔成心  
已背孤軍遠投向關去悲風渭水波聲碎  
當時失足落虎口畢竟萬事成狼狽關門  
一閉歸不得前日同盟果安在可惜甘言  
易入耳楚不負秦秦自壞孤囚過盡歲三

空秦水秦山猶舊態腸斷天涯夕陽泣夢  
寒故宮秋草鎖萬古秦中哭雄鬼清淚空  
令遺老洒茫茫陳跡誰得尋竹枝一曲看  
千載

讀離騷經

古人莫思楚屈平古辭莫讀離騷經讀之  
使我肝膽苦思之使我雙涕零上官讒言  
甘似鉛懷玉國事何其危君心一移知莫  
回欲言不可將何為離騷離騷復誰想作

書猶真君心悟忠誠惻怛詎能已辭義直  
與秋光素賦比皆發性情激文章可兼風  
雅作精神上貫天日動楚國君臣猶遯迹  
終然壹鬱不得伸懷瑾佩蘭江之濱武關  
之會事已非回首故國悲無人君亡宗滅  
見何忍一髮性命非所吝甘心自赴千仞  
湍馮夷暗泣魚龍殞憑君此書警來今苦  
哉讒人為禍深我將拔劍斬彼輩一雪萬  
古冤結心君不見漢文後世彌有道尚有

賈生投書帛

讀盧仝月蝕詩

王川子月蝕詩几坐枯木高聲讀乃知王  
川子此詩為刺兀和時事作天有日月生  
光明蝦蟇小蟲得以蝕在人臣子為逆亂  
罪同不赦宜誅磔恨不令王川子手持龍  
泉長百尺月宮斫斷蝦蟇精長空不見纖  
埃隔歸來帝側除姦凶却挽日月懸紫極  
空令文字留人間光射長虹千丈碧文如



帝典字篆籀風雨縱橫鬼神泣大鯨封豕  
攪奔突壯士攘臂赤手搏春秋二百四十  
年但記日蝕不記月千載寂寥而茫茫嗚  
呼公兮繼直筆當與九氣長周流千古萬  
古無虧缺

汨羅懷古

孤舟晚泊湘水涯寒江日暮生層波手將  
幽蘭招楚魂魂來江上愁雲多嗟哉世亂  
可退默先生何為賦懷沙目見亡國所不

忍心在悟君誠靡他那無高舉八荒志自  
顧宗國當如何彷徨猶冀諫一聽艱關反  
逐江路趨沉吟中浦無所歸滿袖蘭芷懷  
瓊珂寧辭此世脫濁穢自赴千仞隨蛟鼉  
死得其所果非恨人莫我知安足嗟離騷  
一經見子心當與日月爭光華追傷何獨  
賈生吊知子亦有蘇東坡不為孤忠能起  
感誰俟老淚雙滂沱湘江風雨楚山黑魂  
去不見空汨羅

次李太白將進酒韻

君不見秦皇封禪海上來  
鮑車一夕終南迴  
又不見昌黎大儒空白髮  
匹馬遠衝藍關雪  
人生得酒且行樂  
莫負春風與秋月  
我性本是喜遠遊行  
盡東西南北來  
枯腸鬱蒸未曾澆  
視海爲椀江爲杯  
李謫仙可再生  
握手期痛飲  
我歌君當聽  
放浪長作劉伶醉  
清高不學屈原醒  
天下同歸汶汶處  
古來誰全皎皎名  
屈指樽前何不樂  
與

君酩酊長相譖  
百年真在瞬息間  
生前歡笑莫停酌  
一竿竹一羊裘  
頽然長卧山水鄉  
滌蕩世間無限愁

征夫歎

寒雲漠漠天雨雪  
朔風蕭蕭吹不絕  
悠悠行邁赴邊城  
生死未與親愛決  
邊城近歲兵禍仍  
只因胡虜多憑陵  
憑陵胡虜勢轉熾  
紛紛征戰何時已  
公家令嚴有程期  
夜渡層冰指爲墜  
身疲馬困衣裳單  
東防西

戍關塞寒偷生何忍此凍飢一死沙場寧  
不知軍中辛苦未易言可憐主將那盡聞  
主將聞之且不盡何況九重之君門君王  
唯望凱歌還安知暴露風沙間匈奴未平  
歸不得何人始獻開邊策君看塞下枯萬  
骨總是去年征西卒

半畝塘

原頭一脉來衮衮洞然半畝澄且方寶鏡  
開奩初拭面冰壺徹底凝清光物來那得

揜妍魚照向一一分毫芒豈有纖塵著裏  
面自然萬像涵中央閑雲晴碧納光景柳  
風桐雨添清涼天心明月更來照一般興  
味生虛堂已知止中清十分還恐動處瀾  
為狂一決應被濁流污長清只是能隄防  
世人皆知此塘在誰信活水淵源長主翁  
要非愛獨潔擬將天下同激揚衆流之清  
自一源嗟我安得治方塘

芳草行

空山幽幽迷澗道春深何處無芳草芳草  
滿眼愁殺人別君長河經幾春長河迢迢  
路難通君去不復歸山中山中無伴草青  
青對此如何不傷情傷情日日成白首草  
色年年總依舊添愁緣是草生繁欲除種  
種皆有根却憶君曾遊賞地君去遺芳應  
在此草木無情那忍辭折柔將贈我所思  
我所思兮在何許天長地遠不知處寧從  
芳草此山裏歲暮空谷甘憔悴一身雖枯

香不死

野馬

儻倏初鑿混沌竅大塊吹噓開大冶吹萬  
元從怒中來彼此何須分小大人言野馬  
亦生物聚散東西飄上下相吹氣息縱有  
待搖蕩空虛本無假散漫無形彌六合收  
束不可容一把乾坤雖老不汝先幾閱人  
間薪代火嗟哉世人所見隘謾將同異論  
彼我紛紛巨細奚足辨萬殊由來均一化

蓬林鸞鳩未為小溟海鷗鵬亦么麼須眉  
猶能納芥子天下安知非野馬

過船窓巖 距佛巖三十餘里兩傍石崖中有清川垂覽勝致有不可

說

何人彌此船窓巖累石為路何巉巖巖危  
不墜路自幽下有一水青如藍巖邊父老  
能說此唐人築道輸車騎無乃上古懷襄  
時繫船於此餘舊址往事荒茫不足稽且  
將斗酒臨清溪山川蕭森絕點塵上方何

慶令人迷行穿喬木有特地石崖浸波長  
數里崖上霜楓千萬枝亂葉倒影紅照水  
蒼苔古木儘可竒爭似滿樹濃照脂傍人  
莫笑我能插身雖老矣心少時少時行樂  
不可攀挿紅今日須盡歡紅葉年年自依  
舊人顏一蒼無由丹

悲鍾子期

俗音哇咈解悅耳入邑而國聞者嬉至人  
心想最幽遠陽春白雪誰能知知音何幸

有斯人或者天意使同時不然天下誰識  
有伯牙牙之琴兮休亦宜當時會遇誠不  
偶斯人一去其從誰悲哉斯人不可作豈  
但古人獨為斯人悲我今能彈山水曲不  
聞中有我洋思我今能奏南薰音不聞絃  
上含熙熙世無斯人寧絕絃胡為使我長  
齋容長齋咨我琴勿拋絃莫絕工秋萬世  
儻有鍾子期

孟津懷古

殷家淪喪肇象箸虐焰已極銅柱豎江神  
亦解厭穢德故遣白魚迎真主周王曾此  
誓師時鬼動人驚天亦顧鷹揚一將誰敢  
當久矣民心屬西土誰云天吏敢稱亂餓  
死西山誠獨苦如何後世篡弒者謾以口  
實歸湯武堪嗟彼輩不足誅仰思聖德增  
永慕徘徊古津欲何歸日暮佇立江中浦  
龍鴈

龍鴈長鳴望天末哀哉毛羽已摧脫憶昔

高飛霄漢秋九萬里中誰能過江東獨送  
張翰帆北海能傳蘇武札薊城越戍霜風  
路春北秋南經幾度嗷嗷夜叫天山月飛  
過長安百萬戶長安城中一斗粟食之可  
以充口腹吁嗟口腹不必充百步一啄亦  
自足祗全受繼樊籠中何如自放春江曲

班竹

蒼梧秋深湘水寒鶴唳淒斷猿聲乾南遊  
帝子歸不得二妃零落沅湘間江邊千古

竹猗猗哭向清涕何潛潛妾心雖死豈不  
移妾身可愛隨波瀾空將血淚寄此君萬  
竿蒼翠成爛斑微風吹散響冰鐵白日光  
照清琅玕英靈嗚咽萬古地淚痕留與千  
年看客來空吟竹枝歌夕陽長笛愁君小

西湖對月

雨霽秋光灑炎熱草頭露泣珠璣綴沙邊  
一夕寒鴈鳴湖光十里長天濶冰娥湧出  
亂雲堆秋光上下清輝發光連白露冷著

人色戰銀河清透骨湖平風定鏡開奩一  
片瑩淨黃金滑波心吟影不可掬雲際其  
期無情結清光入曾身已輕欲拱青鸞訪  
銀闕江邊曉夢忽驚斷覺來但見西山月

燒筍

我生不蹈巢父躡有竹可以擊吾俗我家  
不厭顏淵貧有筍可以充吾腹山園泱泱  
春雲漲天矯始見龍雞長柴門無客手自  
燒錦籜菌蠢泣玉膏已覺身輕入口時不

羨人間甘與肥食芹之羨豈足較持此獻  
御誠非癡吾觀世人皆好曲請取此君為  
爾直吾觀世人鮮知味請借此筍喻其羨

琵琶峽

父老曰自峽背視之狀如琵琶

南五十里許絕壁深潭最為奇勝

長川衮衮從北來西流直到琵琶峽峽高  
半尋長數里下有深潭不可涉商飈蕭蕭  
吹絕壁碧波澄澄映紅葉阻風時就短柳  
依築臺還將拳石疊黃雞紫蠅味更佳白



酒能使心神淡一聲長笛散巖谷定有山  
精相應捷逍遙便欲從喬松安得騰身超  
岌業江頭畫角動歸興夕陽旗脚風獵獵  
壬寅二月二十一日發平壤馬上有令  
西巡晚出平壤城初聞路上啼鷓鴣官道  
柳色浮黃金溪橋水泮方盈盈陽坡牛犢  
自散牧廣野人稀煙樹平樹間時見數三  
家門戶蕭然雞犬鳴姑隨翁出翁撫兒爭  
道使華如相迎憑渠益復懷矍矍安得使

爾安其生從者滿途郵卒走一職未效身  
則榮嘆息空詠甘棠詩春風爲我吹行旌  
臘前屢遇大雪有感而作

塞上漠漠天早寒臘前屢見山河白古人  
以此占年豐我來三載猶未獲頑陰接地  
不肯開病夫怯冷空縮額擁裘圍爐尚生  
栗窮閭遠戍那忍觸妖蝗入地終不死壯  
士墮指還堪惜嗚呼天人本一氣災祥在  
人非天貴吾心一和自相感不待三白應

大熟出門跨馬仰天笑時有北風吹騰六

中秋月古風

中秋氣肅天地曠圓月揚輝轉清朗片雲  
捲盡溽露洗冰娥玉桂影森爽衆星奪彩  
渾不見銀河橫天僅如練天香散落白玉  
界飄如身在廣寒殿今宵之清倍昔時能  
使我心如伯夷為君典却千金裘把酒更  
結他年期

聽鶯曲

長天漫漫麗日轉園林百鳥聲初變綠楊  
簾額深不見傷心獨有流鶯轉鶯轉唯能  
解人語不解妾心思君苦思君苦願假春  
夢尋君去鶯喚夢夢未就雲重路遠知何  
有憑欄惆悵日又曛却恨種此門前柳

白髮歎

匣中寶劍知幾尺十年磨出霜銚碧我將  
持入滄海中斫斷長蛟流血赤又拚倚彼  
南山隅一舉試斬雙白額嗚呼此志坐灌

落穉今白髮紛似雪紛似雪亦不惜直恐  
壯氣從此歇君不見太公垂釣北海岸八  
十歸來猶未晚

次王荊公韻書懷

男兒未老鬢已白齋咨太息長憂國孤憂  
不識與時變此身敢憚飄西北歲月忽忽  
如奔流獨立天地空搔頭田園松菊樂亦  
足吾將去作逍遙遊

病餘書懷示容寬安三子兼寄金秀才

自柔在廣陵作時丙申十一月日也

容

寓讀州境  
水鍾寺

雪花覆地凍雲集前江生澌崖路澁短僮  
羸馬送汝時陰風吹沙日將入穿溪度谷  
更阻曠招提一境連莽蒼夷途尚畏况高  
危眠食不知今何據見汝年來瘦且憊夜  
坐毋苦讀文字苦讀恐復勞形神安排可  
著心上事

右寄容

人生幸作男子身要當激昂超九倫乃翁  
少日謾有志而今不免為常人况汝年優  
學尚少著功不篤何由達科名餘事不必  
期貴把本理先透徹屈指百年能幾許心  
事難成歲已暮山風蕭蕭山雪深出門看  
山更念汝

右寄寬

愛汝稟得端安質讀字琅琅耳堪悅年纔  
十餘便志學負笈尋兄栖遠刹遙知日厭  
對僧語夜夢怵惕驚元吼頃者又聞欲來  
竒豈不即遣長鬚去只綠前江半冰雪舟  
楫難通崖岸滑思之不見四山暗暝風忽  
起吹病骨

右寄安

少壯與君言志時滄海可倒山可移事業  
竊期古賢右豈料反為令人嗤論思補拾  
無一可佩符長民於分過只慙吾非汲黯  
才卧治何能民見德光陰屢換坐肅問世

事空催雙鬢班逢君幸共燈下話三月一  
度開愁顏明朝却作山水別夕林寒雪尋  
幽刹我獨胡為未歸去人生報恩知無  
日三畝宅數頃田直將買置湖山邊願與  
爾兮結晚契謝病辭綠終餘年  
右寄金自柔

立巖集卷之五

立巖集卷之六

賦 辭 箴 銘 文

酒賦

粵昔帝王御世莅民修郊廟之事以享乎  
天地鬼神作獻酬之禮以通乎列侯諸賓  
玄酒肇用於厥初真醪於是乎亦出其釀  
也儀狄創其智杜康進其法糴以稻黍之  
米澁以白色之水忽霧合而雲蒸俄冰解  
而川沸其氣也盎然靄然氤氳薰心

王履集卷之六  
酣骨蕩情融神驅邪穢而盡滌歸天地於  
一春其味也甘餘少苦香中多烈三重既  
姜九醞益絕未及唇而齒清纔入口而心  
悅故能格神人樂賓客扶衰養老享祀祈  
福此帝王所以頤養天下向爲天之羨祿  
者也隆古已遠末流漸溢爭將百藥之長  
作此喪身之物若乃殷用耽樂沉酣不知  
初焉玉杯終濫爲池獨夫自滿萬民告渴  
天命于周徃攻以決及乎陳后昏荒踵殷

蹈軌瓊宮羨女窮心極意崇飲縱樂沉湎  
日夜宿醉未醒玉樹歌罷茲豈非侈長於  
富泰生於貴流連不已以至顛圯者耶且  
如傲物之儔憤世之徒志尚廣達心隘寰  
區脫畧世事漫浪江湖托冥昏而不返縱  
性命而自娛至如一介腐儒萬里遷客弟  
兄南北風塵滿目渭水春寒隴草秋白忘  
百憂之無由付一生於醉域又豈非才高  
意遠生遭厄難忘形麴蘖以解憤惋者耶

惟彼章臺日暮杯盤顛倒甲第春深絃管  
激噪相勢百年共醉千日譬蚊虻之倏過  
奚賢達之足說嗚呼聖人節禮飲不及亂  
彼昏自荒流而莫返富貴而醉者以遊行  
為樂厄窮而飲者以忘憂自適雖憂樂之  
有異則同歸於溺沉茫茫天地悠悠古今  
屈指遐思仰面長嘯彼滔滔之皆醉孰超  
然而獨覺吾將飲惟無量禁必有節滴小  
槽之香醪擬金丹之靈藥分佳人而共不

老俯而衆醉之生滅

詠雪賦 應製

恭惟 聖上嗣有寶位二十三年歲在戊  
子時和歲順瑞雪斯下乃命侍臣賦之  
臣拜稽首曰嗟乎異哉雪之為物也燭龍  
啣曜莫能喻其白馮夷剖蚌莫能喻其色  
雖古人之能言信難得而備說其始也驅  
屏翳走馮隆江雲屏屏竅風蓬蓬乍飄零  
而下地漸蒙密而盈空其狀也浮浮搖搖

藹藹颯颯漫汗浩渺散亂交雜凌高風而  
飛灑壓厚坤而委積縈盈乎園林之間耀  
朗乎池臺之側于時原隰練明峯巒玉立  
銀海天接瓊林野簇日星失彩天地異色  
籠萬像而俱蔽浩千里而一白爾其龍樓  
遲夜豹帳高張香凝黻爐日臨金床集詞  
臣以賦詠粲瓊琚之輝煌酌桂酒以為樂  
聊近望而彷徨若乃天寒白屋日暮窮村  
空機倚壁寒犬卧門念吾民之愁苦絕炊

饜於朝昏共呻飢而彌寒怨霜雪之續繁  
至若關山歲晏塞樹風鳴層冰墮指積雪  
凋旌念吾民之于役久從事於邊城冷鐵  
衣之侵骨關刀斗之屢驚嗚呼此 聖上  
之所以觸物興懷而擴吾仁於羣生者也  
言未既客有愀然而告我者曰子徒知雪  
之可誅不知所以為祥吾 王有德視民  
如傷雖深居九重而心不忘於四方雖身  
處燕安而心不忘於危亡御重裘之煖則



思無衣之寒羅八珍之盛則思無食之艱  
况茲嚴辰爰設宮壺遂賜侍從之列又及  
鑿冰之徒其思寒念飢之盛心足以和人  
心而感天氣則此雪之為瑞也豈特豐年  
而止也耶是知盈尺非貴三白非美惟仁  
心之及物實百瑞之所自余於是聞言而  
樂又從而詠瑞雪之歌曰聖人作兮天地  
位兮齊七政兮順二氣兮瑞雪降兮嘉禾  
送兮年以豐兮民受其賜兮瞻彼康衢兮

有飽醉兮醉復為謠兮不知誰之使兮

戲馬臺賦

衡山之北淮水之東雄為彭城有臺其中  
左顧吳郡右瞻廣陵原隰浩渺崗巒峻嶒  
形勝則江重峽復佳氣則鳳舞鸞騰此項  
王戲馬之地也方其屠咸陽火秦宮振旅  
而東也按劍睥睨海內趨風餘威鬱崛壯  
心未已叱萬馬而辟易揮千人而作戲驅  
龍馭虎舞錦飛文散若流電合若屯雲健

如臨戰勇如逐北氣吐霧虹勢動山嶽故  
能強諸侯敵萬人士氣自倍兵聲益振一  
驩橫行羣雄顛倒觀當日之壯圖將萬世  
而求保出入三代六百餘載竟為寄奴之  
所睹登臨舊臺心雄前古時維季秋節屬  
重陽山菜拆糝野菊堆黃乃開盛宴命羣  
僚把酒臨風橫槊憑高蒞遐想於宇宙攄  
壯懷於俛仰固亦一代之雄也而今安往  
哉興亡百變山河如舊古堞崢嶸荒階草

茂野麇竄林城狐闖竇喬木依社崩榛塞  
甃菴蒼丘墟蕭條叢薄峻宇通池既已蕪  
沒誰復問歌樓與舞閣至若寶劍金鎗錦  
繡珠玉之玩名姬美女笙蕭管絃之音風  
飄霧散燼滅烟沉其遺芳餘響邈難得而  
尋也况乎重瞳昇表虎步竒像拔山蓋世  
之雄獨驅千人之壯猶未克鬼哭東城魂  
悲西殿又豈憶當時之翫戲九日之遊宴  
也哉天地無窮古今須臾人亡代盡永慨

長吁遂爲之歌曰山逶迤兮水縈迴故都  
寂兮行人哀萬古兮陳迹一丘兮荒臺

大德敦化賦

邈玄覽乎元始求大化之本根上渾渾而  
莫窳下茫茫其無垠沕二五之妙合涵萬  
像而渾淪茲太極乃造化之原至德疑乎  
其中廓蕩蕩而盛大鬱磅礴而冲融妙於  
穆而不已斯流出之無窮盈天下之萬物  
夫孰不本於是理紛羽騰而鱗躍或蠕生

而蟄起日星絜其照臨川嶽奠而流峙風  
雷動兮雲雨施妙並行而不恃化不窮而  
既敦根莫測夫其大觀萬殊之一本悟天  
人之交貫豈聖人之全德而與天其無間  
中成位而配兩乃主靜而立極蹇躅中而  
居正默上律而下襲立大本於方寸芸生  
化之不息蘊仁根兮春融潛義機兮秋肅  
運四時於曾中貫一誠乎萬類籠天下之  
紛紜納塵內之天地浩千變而萬化成融

會而陶甄體雖隱於聲臭道自著於魚鳶  
化莫大於浩浩德莫弘於淵淵斯夫子之  
卓爾即太極之渾然天固止於高明地亦  
偏於博厚該覆載而無體用唯至誠為能  
悠久懿聖人之方寸實斯理之所寓既其  
德之至大故厥化之斯溥寔聖遠而道喪  
民鮮能之久矣徒觀化之自然孰求本於  
物始分天人而兩者又孰知其同德顧余  
識之愚昧何天道之敢測惟自明而誠之

寔古訓之洋洋靜反身而服膺庶不欺而  
自強係曰冲然無朕理氣聚兮渾然未祛  
形象具兮於穆一元出無窮兮純亦不已  
德三同兮萬類芸芸吾度內兮一本混混  
求斯在兮明以誠矣人可得兮夫子自然  
一太極兮

正鵠賦

窮萬理而靜觀妙余心之有得知何致而  
不盡物何格而無極侯之中兮正鵠是射

者之所止嘗遊藝而獲一味觀德之遺旨  
學固貴於用力道莫先於正己外規矩而  
非的中範圍而有地夫孰不見而偶中故  
宜先識而後設倘未志定而輕舉吾恐功  
費而難達目兩視而不明耳兩聽而不聰  
意非專而必僻心惟一而方通苟迷此而  
求彼猶指南而適東知當止之在茲盍余  
身乎顧諟宜自強而不息懼半途而功墜  
物焉蔽於眼前雖熟察而猶暗誠苟貫於

內外雖十年而難捨心既定而無他百體  
從而主知所在而得止的無往而不有  
然必直道而為法豈可枉己而要中精注  
彼而始發心主茲而乃動彎未滿而自己  
即爾安乎卑近不反約而果強抑爾過乎  
高遠惟無偏而無倚亦不左而不右茲大  
中之所在允爾執兮恒爾守知不遠而不  
求是惟爾之自棄見在邇而欲反孰禦爾  
之必至然人學之有差豈古今而異理憑

往列之鴻規起寥寥之遠志弓以良弓矢  
以直廓吾立夫中道雖一不中者誰怨矢  
將反身而自悟始其爭之不辭終於德而  
有造奮力弓躍如其亦庶乎一貫之餘妙  
重曰惟正與鵠射之的弓不及則殆過則  
失弓謹守其中恒爾止弓既知其止正爾  
已弓非弓不良貴自強弓非矢不直貴勿  
枉弓爾苟求之其道近弓爾苟行之其德  
進弓古今之射同法則弓天下之理皆正

鵠弓

相馬失之瘦賦

悲時俗之蒙暗弓羌迷實而貌取內雖美  
而外瘦弓宜爾馬之不售冀之此弓宛之  
西固羣馬之城市然才力之不同弓故驥  
駑之自異睽神馬之權奇弓初孕精於渥  
注挺駿骨之磊砢弓懷良德之醇和塊負  
奇而待價弓邈超羣而獨往惟知己之未  
遇弓顧口腹之難養形日瘦而崢嶸弓路

轉窮而險阨龍蟠泥而枯槁虎伏牢而羸  
脊鶴雖癯而異雞鵠豈病而同鷺豫讓吞  
炭於市中兮雖妻子而亦疑屈原憔悴於  
澤畔兮非漁父其誰知衆皆觀貌而耻瘦  
兮夫孰貴德而賤肥肥不掩其所短兮瘦  
何害於為良矧醫瘦之可能兮唯得良之  
靡常誠在人之不養兮抑非馬之本瘦欲  
求養而為苟兮寧以瘦而自負人莫為之  
真馬兮馬肯馬而要入斯相求之有乖兮

故相遇之無因世旣莫汝知兮獨蹭蹬而  
何之望千里而長鳴兮哀騁力之無時駕  
鼓車而垂耳兮驚駘又從而相欺伏皂櫪  
而仰秣兮寧自故而遠遊卧玉山之豐草  
兮飲黃河之長流惟飽德而自牧兮不售  
才而求厚然時命之儻來兮庶見知於伯  
樂重曰伯樂之時天下有馬伯樂之後馬  
無天下相馬者多知馬者寡取肥遺瘦見  
外迷內萬焉同進羣驥齊退蹇驢為騁神

龍蹠泥澤屈麒麟路登蟾蜍嗟爾良馬生  
之不時世觀其貌爾瘦且羸世病其異爾  
駿且奇蹇爾良馬與世何為廣漠之野鴻  
濛之域一去無蹤何患不識

白馬江賦

遵江濱而迴流嘆滔滔之無窮臨釣龍之  
古巖認蜿蜒之遺蹤撫古今於俛仰感興  
廢之不常粵自聖王之南徙扶蘇下兮驚  
靈傍擁金湯以定鼎衣冠文物之洋洋不

肯堂而淫肆異哉義慈之為王介嚴羅而  
僻處兮猶滕間於齊楚苟非仁者之無敵  
吾恐勢力之難禦况彼狷然而傍伺期乘  
釁以竊取吁可畏乎其亡終然莫念夫自  
保謂據險而誰何方高枕而驕傲迨來十  
里之遷延隱樓觀於層空望三千其如雲  
眩後宮之粉紅君王兮出遊江花笑而爭  
迎引龍舟於烟浦拂鸞旗於柳汀玉觴滿  
兮花顏醉歌管激兮魚龍舞曾遊衍之未



洽忽江上之風雨唐將下兵于江口釣神  
蛟兮餌白馬哀朝發之巖花共此夕而俱  
墮餘宮院其誰主邈繁華之不復擯忠言  
以不早圖而今悔之何及誠涼德之自敗  
豈云人之爾滅去江龍而後伐吾於是說  
而猶惑自古荒淫者亡龍雖神其獨何為  
噫海東之一域有三國之開基使內修而  
外交實輔車之相依胡然割據而耽亂日  
攻戰之是事山河一朝而失險慘國敗而

身死宜匹夫之受戮彼民生其何辜恨余  
未聞仁政於十載寄遠懷於唐虞安得見  
江水之一清注餘波而洗前朝思悠悠而  
不自由聊採蘋而逍遙遂為之歌曰扶蘇  
王氣烟霧空兮落花巖下江波東兮鴉札  
東風客回棹兮茫茫春愁寄芳草兮

砥柱賦

序云余嘗聞禹貢砥柱在河水流  
之中屹然如大人君子立身世而不動  
者故推其  
慮而賦之

夫何若人之高蹇處流俗而自異衆隨波  
以蹇然亮所立之卓爾附砥柱於河中屹  
不動於奔流謂彼頑而此靈胡氣節之相  
侔雖剛大而推質悟各具乎一極物孰得  
以動之原厥本其彌確削太嚴以壯外樹  
貞玉而堅中根磅礴於地軸上聳出乎層  
空彼河津之汎濫是天一之最難紛潰冒  
而衝突日洶湧而不息彌無堅而蕩無重  
况漂輕而舉弱縱濤撞浪掀而誰何吾知

爾之白若彼懷山而方馱爾則靜而禦之  
彼滔天而愈怒爾則安而處之斯高標之  
難犯抑神明之所護然天之立爾中土夫  
豈仗自重而已也鎮四海而妥帖曰天所  
以期乎爾也鯨鯢之鼓浪爾可折其噴薄  
蛟鱓呀以伺人爾亦壓其潛伏神龍倚爾  
而為宅群魚被爾而作所日將升而爾戴  
天或傾而爾補旣育奇功於宇宙宜作表  
準於今古故大禹之鑿山斧不及乎斯柱

知聖人之慮遠擬立極於求世大哉斯柱  
之存亡實天下安危之所係矧倚望之非  
輕盍保重而相濟何末流之溷濁昧高堅  
之所宗激驚湍於白日幸孤立而羣攻顧  
大節之不可奪亘萬古而巖巖矣余心堅  
乎金鐵庶將從若人之指南

風賦

庚寅之秋七月之初余以眼疾避闌乎而  
山之弊廬時則有風蓬然踰旬愈怒余甚

惡之深居閉戶猶且扞隙乘虛靡所不至  
嗚呼此豈徒病夫之所怕其盡傷百穀而  
後已耶何曠陰淒冷暴發之如是耶其始  
也起蘋末彌谷口侵淫乎溪澗翔舞乎林  
莽乍從近而及遠忽積高而成厚至若掀  
滄溟動寥廓飄激騰騫震蕩倏霍雲霓之  
吹散雷霆之俱作暴怒憑陵且撼乎天地  
何充斥我屋之足愕余乃考諸書推諸理  
夫風天地之氣也氣和則為慶為祥氣乖

則爲災爲異其作之時與不時亦莫非由氣而已況人與天地氣道爲一感應之妙不爽毫髮故周公居東大木斯拔及其迎歸反風起禾且夫三代之時人淳物和天無烈風海不揚波春秋以降世漸澆漓災變之出無歲無之是知作威非天召災由人人事之得失而天理之相因則不可不敬者天之威不可不修者人之事惟我國家列聖繼理雖不如三代之盛時亦不

至春秋之衰亂然猶物不生殖民多愁嘆災沴連年至此而極夏以爲旱秋以不熟傷物害人爲變莫測且此風之爲害其來久矣宋玉爲賦而諷之韓愈作訟而刺之雖然宋玉之賦以楚王驕奢而作也韓愈之訟以權臣壅蔽而托也今無彼數事而有如此之災吾不知其因何失也方將究致此之由思救此之術忽復噫以顛顛勢若拔屋而愈疾余亦茫然而自惑但覺心

寒而股慄

慈烏賦

夫何一微禽兮存至情於母子豈有假而  
乃爾惟厥性之最貴瞻及哺之殷勤感爾  
孝之純至非自能夫人所難兮孰為使余  
心欽而不已始爾之生于母兮蒙覆育之  
勞苦日幾何而漸長猶從母而求哺知恩  
德之罔極此爾所以反之苟有食其不遠  
紛遑遑曉夜而忘飢余哀爾之誠心憑天

意而竊疑既听賦之有以宜使盡其孝慈  
給母食胡不常周借母日胡不常遲徒令  
爾而辛勤懷不盡之餘悲嗟此心詎獨爾  
兮亦有母之所同余生二十有八年恒均  
汨乎西東豈為官之不榮寧荷息之不降  
獨閔閔乎親老曾不報其鞠育時及顧於  
園林聽啞啞而有恧爾豈無口腹之念又  
豈不知求雌慕雛之為戀唯愛母之誠專  
故外累其莫變余獨有身而難擅心雖切

而何有顧萱陰之衰薄恐余哺之不久將  
寸心而哀號庸有察余之深衷昔宮氏之  
養志享不待乎珍豐由也之負米亦有得  
於固窮苟安養之可能何必五馬之為好  
然肉蔬之異供奈吾老之不飽幸一遂乎  
微懇終無羨於禽鳥

和氏璧賦

惟天下之至寶兮蓋隱顯之有時然不能  
以自貴兮亦由人而見知感和璧之相遇

兮邈千載而獨悲始鍾精以成質兮胡內  
玉而外非世嘗聞而迷真兮且夫衆人之  
汝遺荆山鬱其幽阻兮久混和而藏輝非  
天誘而神曉兮和亦焉得而過之顧泥沙  
而忽驚兮拭瑳然而乃持所不忍於韞積  
兮遂將獻于天墀期一售而後已兮至再  
則猶不辭物固有遇而始用兮果見重之  
自茲光豈止乎照乘兮價連城而尚卑異  
瑚璉之為器兮同瑾瑜之無疵信君子之

比德兮微玩好之所資宜錘琢而成章兮  
傳萬世而罔隳此帝王受命之大寶兮名  
与天地而罔垂噫當時之一璞兮其亦幸  
而至斯使天下無卞氏兮吾恐頑石之與  
歸初不剖心而披腹兮又孰知懷此珍奇  
天心之不欲泯滅兮故斯人之應期雖舉  
世莫余察兮其在天而奚疑苟知己之不  
逢兮寧潛晦而亦宜知棄寶之可惜兮顧  
於璧而何虧倘挾策而自衛兮亦和氏之

所嗤庶靜守而待價兮從聖訓而為師

哀六國賦

余哀六國之開弱終相繼而就亡置大義  
而不論爭小利而相攘不厭兮必噬彼虎  
是與觀騁貪心於蠶食益相離口乎橫  
人語古為端若雷風之發爭焉吻兮陰為  
謀夫事有不可信者吾於聽上合而是憂魚  
中鱗而莫舍又欲入虎喙而求脫勢狼狽  
而既難悔羊藩其無及初豈不料夫安危

盡亦自恟於強弱然衆可以敵寡胡不擯  
之爲獨夫既未仁合而義從而反絕臂而  
自孤彼狃然而伺隙方偷安而相忘孰敢  
西向以掎角奔崩錯愕反同乎羣羊爭獻  
地而不能免莫不順下風而稽首始羞比  
於雞口終何自處於牛後哉有所大害乃  
以秦而爲帝雖名分之已毀文武之緒猶  
不替敢桀驚於移鼎公漆指而彘頤是天  
下之所不容人共得而誅之苟能聲罪而

討逆爰請命於天王繼不如湯武之赫赫  
于植文身有光曾莫自奮以取雄終然受  
制如處子肩子乘以入關愧蹈海之一士  
嗚呼悲夫交余者豈其真謗余乎抑之際  
也慮遠之不審相率而陷其計也夫孰一  
人之唱義空歛手而取敗閱陳編於千祀  
增志士之感慨

望夫石賦

登高山而眺望撫孤石以興懷豈貞心之



所托而獨立乎山之崖曩余與子而成說  
期百年以上嗟他嗟同室之幾何忽從事於  
天醒我送我子遠于武昌瞻望不及陟彼  
高岡望行塵兮路悠悠招別魂兮天漠漠  
恨余身無一羽翼不得度千山之綿邈寧枯  
死於山上寄長望於不轉玉骨初委珠淚  
猶眩魂迷空草眼掛寒烟身雖化而心存  
長望夫兮幽死年落日兮黯黯愁雲兮茫茫  
水百曲兮迢迢一迢山萬重兮蒼蒼渺關河兮

不見抱幽怨兮告誰何天地之無知竟良  
人兮莫歸使山平而海竭知此石之不移  
雖望眼之已枯豈片心之有虧經終古而  
彌堅尚餘恨之不歇安得使行人而歸來  
慰孤魂之愁結亂曰武昌山上望不極兮  
前生是人後生石兮一片真心此焉托兮  
毋視頑然可敦薄兮

全璧歸趙賦

惟荆山之寸璧噫趙家之禍崇有一物而

自重而社稷之不守矣蘭生之爲愚獨全  
璧而謂何徒區區執小信時大禍之潛芽  
彼無意於償城雖狼貪不知足然給秦以  
復取亦與秦乎同曲矧取肉乎虎口祗自  
激其怒意惟不奪而不厭必吞食而後已  
迨澠池之危會甚武關之囚楚無神威以  
却兵反增怒於擊缶是挑怨而速禍卒城  
陷而軍覆始歸璧而固藏今復誰之所得  
聞古人之事大既獻物而慎德由一方之

興仁終天下而無敵况賴賢以興盛在前  
代而可法齊賤珠而寶賢燕築臺以迎士  
彼相如之所爲曾二王之所耻豈獨秦之  
可嗤惜無人於趙國伊玩好之所資諒取  
之而無益

次別知賦贈林大樹槐馬

余生好古而薄今兮竊尚友於伊周然既  
不及古之人兮盡今世而相求懼寡聞而  
面墻兮將取益而共修惟知音古亦難遇

兮奏高山流水而增愁矧余質愚而才鈍  
 兮衆曾棄而莫之收幸同聲之相應兮夙  
 聞風於海陬海大樹槐馬接清儀之已辱兮  
 開鄙懷而堪羞謂此會之則樂兮寧後散  
 之是憂共芹宮而游藝兮探典墳而秩抽  
 義思托於蓬麻兮學期達乎源流胡然一  
 朝而遽辭兮整南行之雙軸思鄉兮幾回  
 夢歸來兮丘木相摻漢之水兮漫漫春雲  
 浩其浮浮望行色于東風兮欲搽袖而難

由誠離合之不可期兮獨抱恨而淹留

次李白悲清秋賦

悲秋景之向暮嘆川流之潺湲葉撼撼而  
 黃落雲離離兮碧天念百丰以屈指三萬  
 有六千日托浮生於此世隨無涯而汨沒  
 減鏡裏之容顏走中之日月咸蕭然而  
 歸盡孰羣蠢乎超越聞古人之鴻名與天  
 地而久悠有種菊於故里或採蓴於江洲  
 道在是而可樂天窮我而匪憂然氣節之

不可以捷尚吾將折衷於尼丘

苦寒辭

惟茲寒之為苦胡天道之靡常理於何而  
聽鑿吾其問于彼蒼曰天臨下有赫心生  
物而不息既欲生宜無殺又胡為乎此酷  
使夫玄陰用事肅乎予以作威負負以嚴  
風飛雪層冰以加之何歲獨無冬寒茲寒  
之古未有孰威凌乎敢勁哀衆芳之不守  
松栢之儼立吾危爾之孤高鳳麟辭余遠

避猶恐墮角而脫毛龜龍股栗而退縮曷  
得保靈與神草木禽獸何暇念竊獨悲此  
生民御重裘猶覺寒矧窮閭之無衣老顛  
而弱什不凍者幾希既阻飢其未悔寒又  
重之謂何昔有虞之解愠動以南風之和  
周公之輔周時又無烈風滂雨世漸降而  
陰沍何全異於古也苦萬物使不樂竟是  
誰之故也跪拜天余潛聽其言之默而詳  
肇余平分四時寒與暑其交相歷萬古而

不變夫惟一以為道曩豈冬而燠人自樂  
夫熙皞後豈春且寒人反苦曰慘烈彼陰  
陽之或戾亦人事之失也欲時和而歲豐  
盍修德之實也余冥思而忽悟天心之孔  
仁竊不敢歸責于天恐致此之由人誠涼  
德之不順孰云天之難譖窮冬亦不可久  
良有感乎余心保晚節余不改期歲寒以  
彌堅庶反求而有得餘皆付於自然

山中辭示子器

并序

香山上院菴有臺曰引虎前有瀑布二  
一自菴北成數層折而西一由極樂菴  
過菴東其源皆出於羅漢峯至臺前為  
瀑東崖高不及西然勢益危截而坎其  
流直下空中者可數百尺崖下人可穿  
瀑而行西崖亦極高峻崖腹有竇深不  
可測水自上瀑而走必盈竇後下其高  
直數百餘尺登臺縱觀則竒壯難喻所  
謂母天神落銀河者非虛語也彼香爐

廬山吾不得見焉未敢遽為評論比之  
天磨之朴淵金剛之九龍斯已奇矣但  
遊僧過客之來徒知上臺之為快不知  
探討於臺下是可恨也乃披林木攀緣  
而下至崖底仰見雙瀑若自九天而落  
其為奇也勝臺上遠矣於是歷清瀨訪  
幽壑踞巖而坐則碎雪霏霏飄面襲骨  
復有異卉滿前青鳥飛鳴喬木垂蘿青  
楓掩翳巖奇谷邃杳然別一洞天也予

甚樂焉且觴且詠徘徊眺望不知日之  
將暮噫吾與子得奇絕於人迹不到之  
地作此勝遊而今而後庶有繼之者其  
亦幸矣辭曰

窈窕兮山中有飛瀑兮雙崖披幽蘭兮俯  
清瀨風颯颯兮滿懷嗒呀兮石竇仰絕壁  
兮寒虛皎晴雷兮白日飛玉屑兮襲予予  
携兮予杖倚茂樹兮凌危矼幽花明兮雜  
芳草恠鳥飛鳴兮雙雙或翳兮青楓陰陰

兮薜荔偕吾黨兮逍遙又何必邀彼仙侶  
逢雲衲兮忽三四坐加趺兮苔石談厖兮  
與予笑各青眼兮莫逆瀏瀏兮蘄竹使我  
聽兮心怡啓玉齒兮清聲紛婉孌兮相隨  
嗟哉泉石亘萬古兮人生少壯不再來舉  
酒屬兮高歌曷不與子兮徘徊况主聖  
兮時平 洪恩水長兮盛德山高安得招  
隱兮歸來共歌頌兮遊遨

七夕辭

澹天宇之高曠河漢浩其昭四聆露葉之  
初墮倚庭柯以徘徊靈仙之會于茲夕竊  
獨悲此別也斯黯然之苦恨無仙凡其一  
也念羨人之浩蕩恐佳期之遲暮耿孤懷  
而獨立將捐佩於江浦魂銷兮目極知握  
手兮何時彼一車一會猶長恨况吾相見  
之無期尋將棄檣而問津叫情素於上帝  
縮千里於蛙步挽萬古為一世有百年之  
會歡無一日之離苦雍容一壺以為樂何

患夫銀河之是阻也駕鶴騫鷹可相從又  
何假於烏鵲之成橋也既余羨之在此聊  
與娛夫良宵諒清河而弄明月慰牛女之  
長嗟雖萬死猶不二其心從美人而靡他

南溪辭

請在光山時  
作次友人韻

澹秋空之寥廓風淒淒而遠揚野瀰漫而  
極目華實爛其盈場遠水寒兮沙明羣山  
鬱兮蒼蒼送將歸兮南澗臨清流兮泛羽  
觴薦魚蝦以為羞酌浮蟻與鵝黃時憑懷

以舒嘯忽溪谷兮生涼三友和余以為詩  
浩然如江漢之湯湯沉冥麴蘖若將終余  
豈樂為此顛狂邀彼空谷有幽蘭兮馨香  
我往從之為羨人兮薰衣裳淡相望兮秋  
水遠為贈兮明珠耿孤懷而獨立日將晏  
兮路長噫人事時命之靡常固有通塞與  
閑忙惟安分而順受亦何喜而何傷蘭蕙  
枯而香烈松柏茂於雪霜保晚節以益堅  
肯同歸於茫茫



承露盤辭

余嘗聞神仙之虛誕兮，徵漢武而益信。觀其晚年乃始求仙兮，賢良退而迂恠。進謂咽沆瀣可以通靈兮，立銅仙以承露。庶將羽化而長年兮，雖宗社萬姓而不顧。吁嗟乎丹砂未盡，玉露未乾兮，已作茂陵之雄。魂三百年來，舊物猶存兮，泣向誰而訴冤。安知地下之英靈兮，不爲此而重悲。嗚呼！我今作承露盤之辭兮，擬以爲後世好仙者。

之箴規

行路難辭

余足底兮生梗，余門前兮成江。蒼蛟當谿兮，白虎負巖。既在節又右，懣上下四方。不知其攸適，恣中道乎。推余軸安得，騁騏驎於康莊。邀美人與之遊，時不可以幸致。增余懷之悠悠已矣，乎行路之難。吾將從夫子之乘桴。

秋湖辭

秋湖之清兮可以濯余之塵  
秋湖之深兮可以瀉余之幽  
情安得邂逅余美兮聊復共止  
清溪且將與彼以為期兮千秋萬  
歲不舍余此心

防意箴

課製

美色於目淫聲於耳鼻之於臭口之於味  
可好可悅可欲可嗜才交於外即萌於內  
其萌不戒厥終可畏浸浸而入涓涓而潰  
六馬一決不可以止然則奈何防意而已

防之維何維城之似

止足箴

昔殷之時有若伊尹遇湯與甲猶思退遜  
逮漢之興有若留侯天授相知亦從仙遊  
聖賢尚爾何況其餘功名之際自古難居  
勢不可常權不可以久倚伏相乘成虧有數  
君子所貴知足而已既知其足斯可以止  
止與不止安危所別其機在我盍師先哲

短檠銘

容長何用體短何妨雖短於體則長於光  
所取者在何嫌乎短書窓十載爲我舊伴  
世皆爾棄唯我汝尋毋晦爾明永照我心  
焦尾琴銘  
材之美不以焦而棄聲之玄不以短而捐  
嗚呼使爾不見遇於蔡邕而舉爾於炊爨  
之中則爾雖懷竒音負異氣終至於消滅  
而後已人又孰有知爾者耶

送暑文

是歲之夏積熱踰序余甚病之將謀送暑  
乃揖暑神而告之曰神來何從神去何所  
自神之來天地之氣熱爍鬱蒸如焚如沸  
如烘大爐萬類莫逃山焦海竭玉爍金銷  
雲疑不流露乾不瀉黃塵塞空赤土彌野  
橙林枯死櫟樹無陰長鯨骨曝大鵬毛燬  
神龍有飛騰變化之術猶伏燥涸而無所  
歸而况於蟲蛇草木之微者乎人惟最靈  
配乎兩儀有廣廈以庇之有高蓋以張之

緇綌為衣以取其輕篔簹扇為禦以納其清  
亦莫不裸身露髮煩呼狂走而卒莫能避  
也余究其由惟神之使余觀于世侯門甲  
第薰灼赫炎如神是處余觀于人掉舌之  
頃烈火橫生如神是逞几子所為皆余所  
病今余送子於南郊之上慰子以南薰之  
音子非其人無家國顧戀之心子退其時  
乃金神按節之秋子其行矣子無遲留於  
是有若朱羽輝煌者堂堂然行且告余曰

予之迎我送我三十六年我之知子從子  
非不舊焉遲遲我行恐子之易衰也薰薰  
我氣念子之無衣也子宜上順天時下察  
人事靜正居世勢熱可避恬然守身禍火  
不至高卧北窓自有陶令之風縱飲河朔  
足繼羣賢之蹤優游可樂煩澹非虞子實  
不思我何員乎且夫四時之序成功者去  
子無勤送我當自逝余於是愴然怛然心  
焉若喪拭汗稽首馳神穹蒼

祭姜舍人温文

千里遠客九原孤魂一杯告別泣涕何言

立嚴集卷之六終

先大父是集於壬辰兵禍散失殆  
盡歲戊申夏汝任自國子剖竹于  
平安之江界府仍於西路聞有族  
人在順安治者得完秩而莊之急  
遣人取來方欲餒諸梓未幾罷還  
今年春來守是郡即募刻于十  
數人自春季歷三夏至冬初始獲  
訖功以為永世之傳云時萬曆紀  
元之三十八年孟冬下泚孫行興

海郡守閔汝任謹識

我

先祖立巖府君遺集行  
于查蓋久矣逸於壬辰  
兵燹族曾大父振衣公  
得完秩於順安遠寧真

海列藏于郡 案萬曆  
庚戌歲也 後六十年  
而著重 認承


朝命 忝按 本 踰 謹 孰 刊  
本 補 填 刻 鈔 漢 心

公墓道之銘附于編末  
噫觀乎詩若文可以得  
公之情性然其行跡之  
詳莫如斯銘既得其  
情性矣考其行跡則

公之平生盡在是矣世  
之欲知  
公者必於是乎有微不  
但為子孫寄慕之私  
云尔

己酉八月十九日五代孫  
守慶尚道觀察使兼兵  
馬水軍節度使巡察使  
大丘都護府使蕃重謹  
識



This image shows the right side of an open book, which is a blank page with a printed table structure. The page is cream-colored and features a large rectangular border containing several vertical lines that divide the space into columns. There are some faint markings and a small decorative element on the right edge. The table structure is defined by a double-line border and four vertical lines, creating five columns of varying widths. The paper shows signs of age, including some minor staining and a small mark near the top right corner.

